

76.1070  
**IOCVS POLITICVS** 11

PER SERIA SAPIENTVM RESPONSA

In Viginti quinque Capita distributus,

*Et in lucem datus*

A IOANNE PETRO MORELLI DE SCHENFELDT,  
Philosopho, & Iurisconsulto Goritienfi.

---

D I C A T V S

ILLVSTRISSIMO DOMINO DOMINO


**ALBERTO GOZIO**

NOBILI VENETO.



VENETIIS, Typis Antonij Tiuanij, M.DC.LXXX.

*Superiorum Permissu, & Privilegio.*





# ILLVSTRISSIMO DOMINO. DOMINO.



**V**rbium, Regnorumque tutamen Po-  
litia, venerandum Palladis Simu-  
lacrum imitatur, Pergamea olim  
Vrbis fulcimentum Nobilium Disci-  
plinarum è penu veluti è cælo disap-  
sum. Ne subducatur ab hostibus,  
Zoilorum scilicet maledictis, in hoc paruo opusculo,  
veluti in Augustissimo Minerua Templo, occlusum,  
tua committere fidei aquum duxi; inò si illius Ra-  
mi aurei, quem commenta Fabularum decantant,  
arboreos inter fatus fulgurantis, Cumais in Syluis,  
fatale germen Columba signauit, non ne tua, qua  
Olea vertici Columba insidet Doctrina auream præ-  
monstrare messem gaudebit? Sacratam Palladi ve-  
neratur Antiquitas Oleam; sua pracingi tempora  
ramis Olea tua affectat hac Pallas, Iouis. Scientia-  
rum Puerperium. Aequo animo in tuas irem laudes,  
sed solius Apellis est immensam Gigantis molem ad-  
a 2 miran-

miranda Artis Maieſtate in parua Tabella deſi-  
gnare. Inter Venetos reſulges Patritios Prudentia,  
Comitate, Animi preſtantia, & Munificentia pre-  
clariffimus, necnon Atalicis conditionibus felix, &  
licet atatis floreant inte primordia, ſenilem pruden-  
tiam omnes admirantur. Proh quanto etiam ful-  
ſere clarore faces, quas Hymeneuſtibi proxime ac-  
cendit, dum Venetorum Heroum DONATAM  
Puellam Celeberrimis Nuptijs tibi coaptasti. Tan-  
tum igitur Gloria lumen adire liber hic gaudet, e  
meis prodiens typis, & nimio ne fulgore perſtrin-  
gatur, ſub umbra Nominis tui, dum proſectò ar-  
boris Nomenclaturam, tenes, recumbet. Comi-  
ter excipias hoc mei obſequij humilimi argumentum  
oro, diuique viuas, dum ſum, ſemperque ero  
Dominationis tue Illuſtriſs.

Nonis Iunij Anno 1680.

Additiſs. & Deuōtiſs. Famulus  
Antonius Tiuanus.

AD



# AD · LECTOREM

## P R Æ F A T I O ·



Omo omnium animalium Princeps belluarum omnium continet feritatem : vt vbi ratio fixa, ibi rationis ludibrium conspici : tanta vicinitate confinium virtutis, & vitij : quæ intra honestum sola sui natura sustineri non posse. Nisi vetito, & admissio iure alterutrum definiretur : & ipsum vetare, & admittere alia fulciri, quæ dicitur potestas : primordio originis quemque æqualitatem adscuerante. Magnum certè naturæ flagellum, quo principijs per artem inuentis assereretur seruitus, sine qua nec libertas constare, nec ipsi serui durare. Et cui daretur vis imperandi penderet ab omnibus, quæ à singulis non concederetur : Poni itaque homini, & singulo, & vniuerso forma, qua singularis, & vniuersalis, intra statuta libertatis, & seruitutis iura contineretur. Diuisus Orbis in sui creatione lucidus à tenebroso : & datis luminaribus dies, & nox. Posita iura queis homo, & die, & nocte videret, & quod factum est ab Archetypo, vt videret simpliciter, factum est ab homine, vt videret dupliciter : primo lumine ad duas metas respiciente. Fons legum ab ipso lumine, Lumen ipsum legum variatum : quo cognosceret non omnia esse visibilia. Ita primò discretio iuris singularis à publico.

co. Et quod priuatum magis licitum: publicum, non publicum, sed arcanum. Scilicet ipsum scire sustineri, per ignorare: si neque omne scibile sciri. Sed quod primo insitum non euellitur manente radice: omne scibile voluit scire homo. Affectata Sapientiæ libidine olim diuina: nunc secreta mortalium Principum rimari: quæ Tyranno congruunt Principi asserens, confusa iniuriæ, & iuris discratia: idque multis rerum politicarum aphotismis: quos quisque fingit, qui fictionem tenet esse politici: Facere, & fingere non distare Politico, dummodo par sit vtriusque euentus. Sed & ipsum esse politicum non definitum, nisi tot reluctantia principiorum auferatur. Non aliter iocor politicè, quàm vt seriè habeatur solum honestum bonum, & turpe malum. Solum Principem, qui tantum vult, quantum iure potest: tyrannum, qui cum omnia vult, nil rectè potest. Iocum dico: politicorum est iocari: seria inferre, ioco tegere. Priuati iuris sectator, publicarum animaduersionum curiositate iocor: per Sapientum, & præcipuè TACITI oraculum: quod audiui si non intellexi. Est enim nunquam satis intelligibile, cuius in omni terrarum parte digeruntur intellectus. Quod itaque Honesti finis: turpis verò metu, & ignominia in persona proborum, & perfidorum notaui. Tu te ipsum, & me nota. Vale.

IN-



# INDEXCAPITVM

## IN LIBELLO CONTENTORVM.

Caput Primum. Miscellanea Politica præmittuntur.	fol. 6
Caput Secundum. De Virtute, & eius periculo.	fol. 11
Caput Tertium. De Principe, & eius dotibus.	fol. 19
Caput Quartum. De Legibus.	fol. 29
Caput Quintum. De Politicis, & eorum dotibus.	fol. 39
Caput Sextum. De Tyranno.	fol. 46
Caput Septimum. De Fama.	fol. 59
Caput Octauum. De Ingenijs res nouas cupientibus.	fol. 63
Caput Nonum. De Prudentia.	fol. 73
Caput Decimum. De Fortuna, & eius varietate.	fol. 76
Caput Undecimum. De Dominio, & signis vitij Poëminarum.	fol. 83
Caput Duodecimum. De Humana felicitate, & infelicitate.	fol. 91
Caput Decimum tertium. De Publica, & Propria Securitate.	fol. 92
Caput Decimum quartum. De Iudicijs.	fol. 94
Caput Decimum quintum. De Diuinjs, & Anima.	fol. 98
Caput Decimum sextum. De Ministris.	fol. 99
Caput Decimum septimum. De locis munitis, & regimine Reipublicarum.	fol. 101
Caput Decimum octauum. De Consultatione, & Consiliarijs.	fol. 102
Caput Decimum nonum. De Coniugijs.	fol. 105
Caput Vigefimum. De Beneficijs.	fol. 107
Caput Vigefimum primum. De Hominum affectibus.	fol. 108
Caput Vigefimum secundum. De Libidine dominandi, & ratione Status.	fol. 104
Caput Vigefimum tertium. De Augurijs, & alijs naturalibus.	fol. 107
Caput Vigefimum quartum. De Rebus Militaribus.	fol. 107
Caput Vigefimum quintum. De Infidijs, Odio, & Amore.	fol. 109



NOI

# NOI RIFORMATORI DELLO STUDIO DI PADOVA.

**H**Auendo veduto per fede del Padre Inquisitore, nel Libro intitolato, *IOCVS POLITICVS*, Authore Ioanne Petro Morelli de Schenfeldt, non esserui cosa alcuna contro la Santa Fede Cattolica; e parimenti per attestato del Segretario nostro, niente contro Principi, e buoni costumi; concediamo licenza ad Antonio Tiuani di poterlo stampare, osservando gli ordini, &c.

Data li 13. Maggio 1680.

{ Nicolò Venier Cavalier Riformator.  
{ Siluestro Valier Cavalier, Procurator, Riformator.

*Gio: Battista Nicolosi Segretario.*







# IOCI POLITICI

## CAPVT PRIMVM.

*Miscellanea Politica premittuntur.*

*Quaest. 1.*  Vid est homo? R. Est animal illuminatum.

*Quaest. 2.*  Quid est Bestia Politica? R. Est quilibet in suo statu Tyrannus.

*Quaest. 3.* Quid est Politica? R. Est Ars artium. Nihil est difficilius quam bene imperare, experiendo didicisse Tiberium quam arduum, quam subiectum fortunę regendi cuncta onus.

*Quaest. 4.* Qualis esse debet Politicus? R. Alijs obscurus est sibi clarus.

*Quaest. 5.* Vnde perficitur? R. A rebus præteritis, quę sunt optima rerum gerendum documenta. Sapienter placita, & reperta non vertenda.

*Quaest. 6.* Quis est sine fundamento Politicus? R. Qui loquitur ad voluntatem, assentatur, assidet, & admiratur.

*Quaest. 7.* Politicus an debeat se a primis motibus continere? R. Prudens moderandi animum, si propria ira non impellatur.

*Quaest. 8.* An vis vel iniuria sit tolerabilior. R. Perpetuo naturę iure constitutum, ac comparatum homines esse putant,

A

tant,

tant, vt imbecilior à potentiore vim, & regimen patiatur: ab æquali ne minimum quidem horum perferant.

*Quaest. 9. An rerū agendarum medium aptū sit pecunia.*  
*R. Quisquis habet nummos securus nauigat aura*  
*Fortunamque suo temperat arbitrio*  
*Multa loquor quiduis nummis presentibus opta*  
*Eueniet clausum continet arca Iouem.*

*Quaest. 10. An ex excellentia ingenij quis ante experientiam possit dici Politicus.* *R. Quidam ad meliora excitantur magnitudine rerum hebescent alij. Magistratus virum ostendis. Dignus imperare, si non imperasset.*

*Quaest. 11. Quomodo nimium elati sint corrigendi?*  
*R. Excalceentur, & ad staturam suam redeunt.*

*Quaest. 12. An Veritas sit odiosa?* *R. Malo veris offendere quam placere adulando.*

*Quaest. 13. An intersit Reipublicæ habere libera ingenia?* *R. Subinde iactat in Ciuitate libera linguam, mentesque liberasse debere Punitis ingenijs gliscit autoritas. Reipublicæ interest vt facta quæque posteritati tradantur. Rara temporum felicitate, in quibus quæ sentire, & dicere liceat.*

*Quaest. 14. An mors soleat vitæ correspondere?* *R. Miserima vita, pessima morte finitur.*

*Quaest. 15. An noceat malitia ea vtensi?* *R. Malitia maximam partem veneni sui bibis.*

*Quaest. 16. An ætate minore, ad magnos honores sint extollendi?* *R. Mobiles adolescentium animi præmaturis honoribus ad superbiam non extollendi.*

*Quaest. 17. Quid est veritas?* *R. Est rerum omnium consonantia constantia, ac firmitudo basis, & fundamentum Iustitiæ.*

*Quaest. 18. An vulgus lætiora credat?* *R. Lætiora statim credita, statim vulgata.*

*Quaest.*

# CAPVT PRIMVM. 3

*Quaest. 19.* Quæ est natura vulgi? *R.* Natura multitudinis est, vt aut feruiat humiliter, aut superbè dominetur.

*Quaest. 20.* Sequenda ne utilitas absolutè? *R.* Videndum tamen omnino est: ne utilitas vincat veram honestatem.

*Quaest. 21.* In Arduis quæ via sequenda? *R.* In arduis consilia rapienda, non quærenda sunt: & quod proximum, illud optimum. Inter ancipitia deterrimum est media sequi. Extremis morbis extrema exquisitè remedia optima sunt.

*Quaest. 22.* An danda media ad finem. *R.* Dandi vitæ vsus, cui vita conceditur.

*Quaest. 23.* An manus sint eloquentes? *R.* Manus dextera Eloquentiæ ministra.

*Quaest. 24.* Quomodo verita in lucem prodeant. *R.* Verita occultis primum sermonibus crebescunt.

*Quaest. 25.* An tempus dissipet inania. *R.* Inanis credulitas tempore ipso vanescit.

*Quaest. 26.* An Paupertas probrosa? *R.* Turpis egestas. Paupertas probrosa nemini salutis plurimis fuit.

*Quaest. 27.* An dentur causæ bonæ facientes fructus maiores? *R.* Veritas odium: Familiaritas contemptum: Securitatis periculum pariunt.

*Quaest. 28.* An facilius sit sapientem quam Ignorantem fatiare? *R.* Nequeunt expleri hominum amentium cupiditates, etiamsi quæcumque petierint consequantur, sed continuo maiora alia appetunt: & in infinitum progrediuntur: quod præcipuè multitudini accidit.

*Quaest. 29.* Quot sunt formæ Regiminis. *R.* Cunctas Nationes & Vrbes, Populus, Aut primores: aut singuli regunt.

*Quaest. 30.* An seruanda sit in Regimine moderatio? *R.* Nullum animal homine morosius est nullum maiori ar-

## 4. IOCI POLITICI

te tractandum: in neminem magis quam in illas insurgunt, quos imperium senserint moliri aduersus se. Memento te imperaturum esse, hominibus qui nec totam libertatem pati possunt nec totam seruitutem.

*Quaest. 31.* An pleraque Dominiorem initia sint illegitima. *R.* Si Princeps Iustitiam sequi velint: ac suum cuique restituere: quod vi, & armis occupauerunt: ad casus & egestatem reuersuri sunt.

*Quaest. 32.* Populare, an optimatum Imperium sit propius libertati? *R.* Populi Imperium iuxta libertatem: paucorum dominatio Regiae libidini propior est.

*Quaest. 33.* Quomodo veritas, & falsitas valescant? *R.* Veritas visu, & mora: Falsa festinatione, & incerti valescunt.

*Quaest. 34.* An in vulgaribus ad Principem recurrendum? *R.* Maius quid & excelcius à Principe postulatur: & cum rectè factorum sibi quisque gratiam trahat: vnius inuidia ab omnibus peccatur.

*Quaest. 35.* An ab obscuris natalibus in altum elatus insolescat? *R.* Iunio Othoni litterarium ludum exercere vetus ars fuit: in ox Saiani potentia Senator obscura initia impudentibus ausis propellabat.

*Quaest. 36.* Quod est rebus turbatis pessimum? *R.* Rebus turbatis, malum extremum discordia accessit.

*Quaest. 37.* An artes distent à falsis? *R.* Breue confinium artis & falsi: veraque obscuris sequuntur.

*Quaest. 38.* Vulgus an fortuita in culpam trahat? *R.* Mos vulgo fortuita ad culpam trahere.

*Quaest. 39.* Vbi scelerati animi homo corripitur an sit publica gratulatio? *R.* Cæsar. Sextum Paconianum Prætorium perculit magno Patrum gaudio, audacem, maleficum omnium secreta rimantem.

*Quaest. 40.* An Hystorici omnia funesta tradant? *R.* Neque  
sum

# CAPVT PRIMVM. 3

sum ignarus à plerisque scriptoribus omiſſa multorum pericula, & penas: dum copia fatiſcunt: aut quæ iſſis nimium mæſta fuerant, ne pari tædio lecturus adſicerent verentur.

*Quæſt. 41.* An aliqua ambigua ſint cognitu digna? R. Auis Phoenix in Ægyptum venit: præbuitque materiam doctiſſimis indigenarum, & græcorum multa ſuper eo miraculo diſſerendi de quibus congruant: & plura ambigua, ſed cognitu ne non abſurda promere libet.

*Quæſt. 42.* An ſcandalôſæ ſocietates coriū pant iuuentutem? R. Vix artibus honeſtis pudor retinetur: ne dum inter certamina vitiorum pudicitia, aut moeſtia, aut quicquam probi moris reſeruaretur.

*Quæſt. 43.* An Paupertas, ſit magnum malum? R. Marcellus Aſinio Pollione proauo clarus, neque morum ſpernendus habebatur: niſi quod paupertatem præcipuum maiorum credebat.

*Quæſt. 44.* An antiqua Roma fuerit ſalubrior? Reſ. Credebatur veterē illam formam, ſalubritati magis conduxiſſe: quoniā anguſtiæ itinerū & altitudo tectorum, non prerinde Solis vapore perumpetetur, at nunc patulam latitudinem, & nulla vmbra deſenſam grauiore æſtu ardeſcere.

*Quæſt. 45.* An detur mixtum ex Optimo & Peſſimo? Reſp. Mucianus luxuria, induſtria: Comitatus arrogantia; malis bonisque artibus mixtus, nimix voluptates cum vacaret; quoties expedierat magnæ virtutes.

*Quæſt. 46.* Electio Regis an ſapiat libertatem? Reſp. Loco libertatis erit, quod eligi capimus.

*Quæſt. 47.* An multitudo ſociorum tutiores reddat delinquentes? Reſp. Nemo priuatim expedito conſilio, inter multas ſocietate culpe tutior.

*Quæſt. 48.* An malis faciles ſimiles reperiantur? Reſp. Nec Sciti poterat traxerit ne Cæcinam (an quod euenit inter

ter malos, vt & similes sint) eadem illas prauitas impulerit.

Quæst. 49. Quæ vitia magnis & paucis Ciuitatibus communia? Resp. Ignorantia, & Inuidia.

## CAPVT SECVNDVM.

*De virtute, & eius Periculo.*

Quæst. 1. **A**N virtus sit omni tempore tuta? Resp. Certa esse tempora in quibus magnis virtutibus certissimum est exitium. Industria, ac vigilantia non minus noxiæ, quoties parando Regno fingantur. Nullius tanta virtus, tanta potentia, aut felicitas fuit quæ tandem non incurrerit, & fuerit collapsa.

Quæst. 2. Quæ est Pietas in sæculo corrupto? Resp. Tiberij sæculo magna pietas fuit, nihil impiè facere.

Quæst. 3. An virtuti vitium coniungatur? Resp. Magnæ prudentiæ est, quemque cuique functioni pro indole sua admouere: ne inde magnæ rerum oriantur confusiones. Neque enim ex omni memoria inuentus est cuius virtutes, quantumvis magnæ, nullo vitiorum confinio læderentur.

Quæst. 4. An intersit esse maximè meritum? Resp. Beneficia eousque læta sunt, dum videntur exsolui posse: vbi anteuenerint, pro gratia odium redditur.

Quæst. 5. An virtus dignitati respondeat. Resp. Nihil tam excelsum, quod non mereantur virtutes.

Quæst. 6. An præferendi semper sint docti imperitis? Resp. Modestæ imperitiæ: prudentia cum immoderata ambitione coniuncta postponenda.

Quæst. 7. An summa virtus tutior media sit? Resp. Eminentes virtutes numquam sectatus est, & rursus vitia ministrorum odijt. Sed id ideo quod ab optimis periculum sibi: à pessimis dedecus publicum metueret.

Quæst.

Quæst. 8. Qualiter quis reddatur amabilis? Resp. Illi comitas in socios: mansuetudo in hostes.

Quæst. 9. An apud Romanos in distributione honorum personarum, an meritorum acceptio haberetur? Resp. Apud maiores virtutis id præmium fuerat: cunctisque ciuibus si bonis artibus fiderent, licitum petere magistratus: ac ne ætas quidem distinguebatur, quin prima iuuenta Consulatum, & dictaturas inirent.

Quæst. 10. Quæ sint partes fortis animi? Resp. Plurimum audaciæ ad pericula capeffenda: plurimum consilij inter ipsa pericula erat.

Quæst. 11. Viro magno quantum conferat modestia? Resp. Decreuere Patres triumphalia insignia: quod Camillo ob modestiam impunè fuit.

Quæst. 12. An Vir clarus præsentis vitæ cupidus ostendeat? Resp. Maroboduus consenuit: multum imminuta claritate, ob nimiam viuendi cupidinem.

Quæst. 13. Quæ Historici sint partes erga bonum & malum? Resp. Exequi sententias haud institui: nisi insignes per honestum, aut notabili dedecore; quod præcipuum munus annalium reor: ne virtutes fileantur: vsque præuis dictis factisque ex posteritate, & infamia metus.

Quæst. 14. Quam laudabile sit pauperem ditescere, & non inolescere? Resp. Obiere eo anno En. Lentulus & L. Domitius: Lentulo super consulatum & triumphalia de Gerulis fuit gloriæ: bene tolerata paupertas: De in magnæ opes innocenter paratæ, & modestæ habitæ.

Quæst. 15. Oratorum sine arte loquentium an sit posteritati memoria? Resp. Q. Haterius familiæ Senatoriæ eloquentiæ quo ad vixit celebratæ: monumenta ingenij eius haud perinde retinentur scilicet impetu magis quam vna vigeat: vsque aliorum meditatio, & labor in posterum

valefcit: sic Haterij canorum illud ac profluans cum ipfo extinctum eft.

Quæft. 16. Veritas amicitiz an probetur in aduerfis, & quæ eius laus? Resp. Eques Romanus Titus Sabinus in carcerem tractus, ob amicitiam Germanici: neque enim omiferat coniugem, liberosque eius percolare: feftator Domi, Comes in publico poft tot clientes vnus: eoque apud bonos laudatus grauis iniquis.

Quæft. 17. An multum decedat arti, ex ignorantia tractantium? Resp. Plurimis mortalium non eximitur, quin primo cuiusque ortu ventura deftinentur: fed quædam fecus quam dicta fint cadere: fallacijs ignara dicentium. Ita corrumpi fidem artis, cuius clara documenta & antiqua ætas & noſtra tulerit.

Quæft. 18. An Iuuentâ ſcelerata, poſſit ſenectâ virtutis deleri? Resp. Cedunt prima poſtremis, & bona iuuentâ ſenectus flagitiôſa obliſſerat.

Quæft. 19. An Vir Probus ſit alicui potentium inuiſus? Resp. Arruntius ſemper alicui Potentium inuiſus; non culpa, ſed vt flagitiorum impatiens.

Quæft. 20. Vir fortis an morte conteratur? Resp. Idem viſo antea rogo, iuſſoque transferri partem in aliam: ne opacitas arborum vapore ignis minueretur: tantum illi ſecuritatîs nouiſſimæ fuit.

Quæft. 21. An Imperatores Romani fuerint eloquentes? Resp. Adnotabant ſeniores, primum ex ijs qui rerum poſiti eſſent, Neronem aliena ſacundia eguiſſe.

Quæft. 22. Quando promouetur, emeritus videtur ne virtuti locus? Resp. Quod Domitium Corbulonem retinendæ Armeniæ præpoſuiſſet: videbatur locus virtutibus patefactus.

Quæft. 23. An fuerit Seneca benè reprehenſus à Iure con-



consulto Suillio? Resp. Suillius extrema senectū liber, Senecam increpans, infensum amicis Claudij, sub quo iustissimum exilium pertulisset: simul studijs inertibus, & iuuenum imperitiæ suetum, liuere ijs qui uiuidam, & incorruptam eloquentiam tuendis ciuibz exercerēt Se. quæstorem Germanici, illum adulterum fuisse. An grauius æstimandum sponte litigatoris præmium honestæ operæ assequi: quàm corrumpere cubicula Principum fœminarum. Qua Sapientia? quibus philosophorum præceptis? intra quadriennium Regiæ amicitia terminata sequestertium parauisset.

Quæst. 24. Vir iustus an periclitetur improborum confessu? Resp. Thrasea Pætus silentio vel breui assensu priores adulationes transmittere solitus, exijt tum Senatu, ac sibi causam periculi fecit: cæteris libertatis initium non fecit.

Quæst. 25. An melius sit permittere libros aduersos, quàm prohibere? Resp. Veientonis libros exuri iussit: conquisitos lectitatosque donec cum periculo parabantur: mox licentia habendi obliuionem attulit.

Quæst. 26. Vir fortis Tyranno etiam in extremis an se subiiciat. Resp. Cùm ad uisendum Burrhum Princeps uenisset: aspectum eius auersatum sciscitantique hæctenus respondisse: Ego me benè habeo.

Quæst. 27. Quanta sit modestiæ laus? Resp. Modestiæ fama, neque à summis mortalium spernitur: & à Dijs æstimatur.

Quæst. 28. Abiectus animus an præferat pecuniam honori? Resp. Seruilis animus præmia perfidiæ reputauit: Simulque immensa pecunia & potentia obuersionabantur: cessit fas, & Salus Patroni, & acceptæ libertatis memoria.

Quæst. 29. Si Viri probi interficiantur quanta Virtuti iniuria? Resp. Trucidatis tot insignibus uiris, ad postremum

Nero virtutem ipsam excindere concupiuit : interfecto Thrasea Pæto ; & Barrea Lorano .

Quæst. 30. An Vir fortis si pereundum est , per gloriam pereat? Resp. Segnes & pauidos supremis suis secretum circumdare : distingui certè apud posteros memoriam honesti exitus: ab ignauiâ per silentium pereuntium. Proinde intemeratus, impollutus quorum vestigijs vitam duxerit: eorum gloria peteret finem. Mortem omnibus ex natura æqualem obliuione apud posteros, vel gloria distingui. Ac si nocentem innocentemque idem exitus maneat: acrioris viri esse merito perire.

Quæst. 31. An liceat inter sæuientes ignoscere? Resp. Apud sæuientes occidere palâ: ignoscere non nisi fallendo licet.

Quæst. 32. An dentur falsæ virtutes? Resp. Plus formidinis afferebant falsæ virtutes, & vitia redditura.

Quæst. 33. An in hoste virtus laudanda. Resp. Eamdem virtutem admirantibus, cui irascebantur.

Quæst. 34. Apud Romanos an præstiterit virtus pecuniæ? Respond. Instituto maiorum, virtute quàm pecunia res Romana melius stetit.

Quæst. 35. An aliquando Sapientia sit intempestiua? Resp. Musonius Rufus equestris ordinis studium Philosophiæ, & placita Stoicorum æmulatus cœptabat permixtus manipulis bona pacis ac belli discrimina differens armatos monere. Id plerique ludibrio: pluribus tædio: nec deerant qui propellerent, proculcarentque: ni admonitu modestissimi cuiusque, & alijs minitantibus omisisset intempestiuam sapientiam.

Quæst. 36. Quæ bona & quæ mala apud sapientes? Resp. Doctores sapientiæ tradunt, sola bona quæ honesta: mala tantùm quæ turpia: Potentiam, Nobilitatem, cœterasque extra animum, neque bonis, neque malis annumerant.

Quæ.

## CAPVT TERTIVM. 11

**Quæst. 37.** Fortes viri an omnibus terris tales? *Resp.* Quomodo lucem Diemque hominibus omnibus: ita omnes terras fortibus viris natura aperuit.

**Quæst. 38.** Quo tempore virtus maximè æstimetur? *Resp.* Virtutes iisdem temporibus maximè æstimantur: quibus facillimè gignuntur.

**Quæst. 39.** Est ne difficile retinere in Sapiencia moderationem? *Resp.* Agricola retinuit quod est difficillimum in Sapiencia modum.

**Quæst. 40.** Quæ sunt seruitutis species à vulgo pro humanitate habitæ? *Resp.* Paulatim discessum ad delinimenta vitiorum: porticus & balnea, & conuictiorum elegantiam: idque apud imperitos humanitas vocabatur: cum pars seruitutis esset.

**Quæst. 41.** Vir Politicus & probus an retineat odium? *Resp.* Ex iracundia nihil supererat: secretum & silentium eius non timeres: honestius putabat offendere, quàm odisse.

**Quæst. 42.** Magno Viro quid maximè formidabile? *Resp.* Id maximè formidolosum privati hominis nomen, supra Principis attolli.

**Quæst. 43.** An sub malis Principibus possint esse magni viri? *Resp.* Sciant quibus moris illicita mirari: posse etiam sub malis Principibus viros esse.

**Quæst. 44.** Quid Alexander de morâ senserit? *Resp.* Odi lenta remedia & legnes medicos: nam mori strenuè, quàm tardè conualescere malo.

## CAPVT TERTIVM.

*De Principe, & eius Dôribus.*

**Quæst. 1.** **A**N Princeps debeat à rerum sacrarum occupatione abstinere? *Resp.* Pone Prin-

B 2 cipes

cipes eorū sicut Oreb, & Zeb, & Zebec, & Salmana: omnes Principes eorum, qui dixerunt, hæreditate possideamus Sanctuarium Dei: Deus meus pone illos vt rotam: & sicuti stipulam ante faciem venti.

Quæst. 11. Quid in Principe faciat Pietas, et Iustitia? Resp. A Principibus iniustis nihil sperant homines: & non facile factio, aut seditiones coalescunt aduersus eas: quas caras esse & protegi diuino Numine credunt.

Quæst. 3. Quæ sit Basis Regnorum? Resp. Religio, Iustitia, & Scientia militaris.

Quæst. 4. An Rex æquè iudicare debeat pauperes ac diuites? Resp. Rex qui iudicat in veritate pauperes, thronus eius in æternum firmabitur. Tibi relictus est pauper, orphanus tu eris adiutor.

Quæst. 5. An sub bono Principe fiscus sit priuilegiatus? Resp. Quæ præclara gloria tua est, sæpius vincitur fiscus: cuius mala causa est, nisi sub bono Principe.

Quæst. 6. An Princeps peccet in ministris? Resp. Incumbit Principi, vt non se vnum modò, seu omnes ministros subditis, & Reipublicæ præstet. Quidquid enim hi rectè, vel sequi uergerint id dominis adscribatur: talesque illos cuncti censent: qualia illi facta exercere seruos permiserint. Qui enim castigare aut saltem cohibere cum possit non cohibet palam est eum permittere, & poenè mandare.

Quæst. 7. An Princeps ipse debeat curas suscipere? Resp. Augusti animus in omnes curas distrahitur.

Quæst. 8. Quid præcipuè debeat respicere Princeps? Resp. Præcipua rerum ad famam dirigenda sunt. Suum cuique decus posteritas rependit.

Quæst. 9. An expediat Principem tempore, pacis armatum esse? Resp. Haud quisquam facile prouocare audet  
aut

### CAPVT. TERTIVM. 13

aut facere iniuriam ei regno, aut populo quem intelligit expeditum atque promptum ad vindicandum esse.

Quæst. 10. An Princeps debeat semper scelera aperire ?  
Resp. Proprium Tiberio scelera nuper reperta.

Quæst. 11. An Princeps multos habere debeat exploratores ? Resp. Non Principem, sed Principi suo metuere : multis ille oculis videt : multis auribus audit : præsentitque ea quæ aguntur.

Quæst. 12. An bonum vel malum Principis sit bonum vel malum Reipublicæ ? Resp. Ita nati estis ut bona, malaque vestra ad Rempublicam pertineant.

Quæst. 13. Quam gloriam erga Principem subditus prætereundere debeat ? Resp. Tibi imperandi, mihi obsequij gloria relicta est.

Quæst. 14. An Regis regula æquitas esse debeat ? Resp. Beatissimus est Rex, qui sedet super cathedra æquitaris: cum lex naturæ consentit.

Quæst. 15. An Principi tota gloria sit referenda ? Resp. Hæc Regum, atque Principum conditio est: ut nolint quæquam se potiozem habere: sed casus aduersos ministris suis tribuant: secundos fortunæ suæ.

Quæst. 16. Per frequentiam suppliciorum an aliquid Principi decedat ? Resp. Sicut medico indecora multa funera, ita Principi ac magistratui multa supplicia ignominiosa.

Quæst. 17. An Princeps remotis, an proximis sit venerabilior ? Resp. Maior ex longinquo reuerentia. Fama ex longinquo acuta.

Quæst. 18. An Principi loquantur homines dum ei loquuntur ? Resp. Homines cum Fortuna Principum magis: quam ipsis plerumque Principibus loquuntur.

Quæst. 19. An Deus vliscatur subditos cedentes Principes ? Resp. Memoriam proditum est Iulij Cæsaris & Gordiani

diani Imperatorum aduersarios iisdem gladijs occubuisse. Cum enim Deus sit author Imperiorum, numquam cedes summorum magistratuum inultas præterisse.

Quæst. 20. An Maiestas sit diuisibilis? Resp. Non capit Regnum duos.

Quæst. 21. An Princeps iniustas preces exaudire debeat? Respon. Principes instar Deorum sunt; sed neque à Dijs nisi iustæ supplicum preces exaudiuntur.

Quæst. 22. An ex excellentia ministrorum arguatur excellentia Principis? Resp. Præcipuum inditium non magni Principis magni liberti.

Quæst. 23. Parui Principes quo medio se tueri debeant? Resp. Nisi summa necessitudo, aut opportunitas extet: melius fuerit actu, & consilijs res externas moliri: quam raptis armis in præcipientes casus fortunas suas dare.

Quæst. 24. Quis dicatur debilis Princeps. ? Resp. Qui bellum mouere aptus non est.

Quæst. 25. An Princeps si per clementiam possit: per seueritatem auertere debeat insidias? R. Melius uti clementia: ne per seueritatem totus insidiarum nexus, & catena rumpenda, & incidenda sit. Aliter parentibus liberisque eorum, qui interfecti sunt, in singulorum locum succedentibus.

Quæst. 26. Quid est maiestas? R. Est Politicum ens per se.

Quæst. 27. An rebus difficilibus Regno cedendum? R. Nec turpius quicquam, quàm sine certamine cessisse regno: nec præ clarius quicquam, quàm pro dignitate & maiestate omnem fortunam expertum esse.

Quæst. 28. An vbi arcana Imperij tentantur, Princeps debeat dissimulare? R. Haud dubium erat eam sententiam, altius penetrare: & arcana imperij tentari. Tiberius tamen quasi augeretur potestas eius dissimulauit. Fauorabili in-  
spe.

speciem oratione vim imperij tenuisse.

Quæst. 29. An vbi splendor stemmatis, & maiorum merita Principi referuntur: fieri debeat modeste? R. En stirps, & progenies tot Consulum, tot Dictatorum, nec ad inuidiam ista, sed conciliandæ misericordiæ refero: adsequentur florente te Cæsar quos dederis honores. Interim Q. Hortensij pronepotes diui Augusti alumnos ab inopia defende.

Quæst. 30. An Princeps moderatè debeat exhaurire ærarium? Resp. Si ærarium ambitione exhauferimus: per scelerata supplendum erit.

Quæst. 31. Debet ne Princeps ignauos subleuare? R. Languescet alioquin industria, intendetur socordia: si nullus ex se metus, aut spes, & securi omnes aliena subsidia expectabunt: sibi ignaui, nobis graues.

Quæst. 32. An Principes recordentur gestorum secum ante adeptum Principatum? Resp. Rex Archelaus quinquagesimum annum Cappadocia potiebatur: inuisus Tiberio, quod eum Rhodi agentem nullo officio coluisset.

Quæst. 33. An media vel extrema Regibus placeant? R. Quia Regibus æqua, nec dum infima insolita sunt: finem vitæ sponte, an fato impleuit.

Quæst. 34. An populorum miseria excitet Principem ad clemētiam? R. Asperrima in Sardinianos lues, plurimum in eisdem misericordiæ traxit: nam centies sestertium pollicitus Cæsar & quantum ærario, aut fisco pendebant in quinquennium remisit.

Quæst. 35. Princeps an priuatorum hæreditatibus debeat inhiare? R. Magnificam in publicum largitionem auxit Cæsar haud minus grata liberalitate, quod bona Æmilie Musæ locupletis intestata petita in fiscum: Æmilio Lepido cuius è domo videbatur: & Patulei diuitis Equicis

Ro-

Romani hæreditatem (quamquam ipse hæres in parte legeretur) tradidit Marco Seruilio, quem prioribus, neque suspectis tabulis scriptum compererat: nobilitatem vtriusque pecunia iuuandam præfatus.

Quæst. 36. An Princeps prodigos, & flagitiosos iuuare debeat? R. Cæterum ut honestam innocentium paupertatem leuauit: ita prodigos & ob flagitia egentes Vibidium Varronem, Marium Nepotem, Appium Appianum, Cornelium Sullam, Q. Vitellium mouit Senatu, aut sponte cedere passus est.

Quæst. 37. An Princeps spernere debeat sibi maledicta? R. Cæsar postulauit si quæ de Augusto irreligiosè dixisset: in se iacta nolle in cognitionem vocare.

Quæst. 38. Quid gloriosius Principi Pax, an Bellum? R. Lætior Tiberio, quia pacem sapientia firmavit, quam si bellum per acies confecisset.

Quæst. 39. Princeps an debeat summos homines refutare? R. Neque tamen ab ea Parentis Patriæ delatum, & antea vocabulum assumpsit; acerbèque increpuit eos, qui diuinas occupationes, ipsumque Dominum dixerant.

Quæst. 40. Est ne gloria Senatus aut Principis hostes veneno pellere? R. Responsum est non fraude, neque occultis sed palam & armatum Populum Romanum suos hostes vlcisci: qua gloria æquabat se Tiberius præcis Imperatoribus, qui venenum in Pyrrum Regem vetuerant, prodiderantque.

Quæst. 41. An aduersæ fortunæ apprehensorem se Princeps ostendere debeat? R. Tiberius atque Augusta publico abstinere inferius maiestate tua rati si publicè lamentarentur.

Quæst. 42. Quo medio Princeps distrahat, vulgi sermones? Respond. Gnauum id Tiberio fuit, ut que preme-

ret



ret vulgi sermones, monuit edito.

Quæst. 43. Princeps cùm publicè loquitur an debeat meditatè loqui? R. Die Senatus Cæsar orationem habuit meditato temperamento.

Quæst. 44. An Principi successori sit recens offensio-  
num memoria? Resp. Tiberius respondit sibi aduersus Syl-  
lanum integras Parentis sui offensiones: neque reditu Syl-  
ani dissoluta, quæ Augustus voluisset. •

Quæst. 45. An Princeps vultu mutari debeat aduerso-  
rum successu? R. Tiberius tanto impensius in securitatem  
compositus, neque loco, neque vultu mutatus: Sed vt soli-  
tum per illas dies egit altitudine animi.

Quæst. 46. Quantum perdat Princeps si ad vana, & irri-  
ta deuoluatur? R. Tiberius si modum orationi posuisset  
misericordia sui, gloriaque animos audientium impleuis-  
set: ad vana & toties irrita deuolutus, vero quoque & ho-  
nesto fidem dempsit.

Quæst. 47. An Princeps de facili iniuriarum obliuiscat-  
ur? R. In præsens Tiberius ciuiler habuit, sed in animo  
reuolvente iras: etiamsi impetus offensionis langueret:  
memoria valebat.

Quæst. 48. An Principi gloriosum bellum Imperij pro-  
ferendi? R. Historico inglorius labor immota quippe, aut  
modicè laceffita pax mæstæ vrbis res Princeps proferendi  
Imperij incuriosus erat.

Quæst. 49. Princeps si vitam armis defendere cogatur:  
in quo sit statu? R. Tiberius Senatui rescripsit: nec sibi vi-  
tam tanti si armis tegenda foret.

Quæst. 50. An multi poenas effugiant obliuiscente po-  
tius, quàm parcente Principe? R. Rubrius Fabatus nullas  
probabiles causas longinquæ peregrinationis adferebat:  
mansit tamen incolumis obliuione magis quàm clemētia.

C

Quæst.

Quæst. 51. Quæ tenere firmiter debet pro sui conseruatione & gloria Rex? R. Conseruatio ab amore popularium: gloria à tuorum hostium metu quæritur.

Quæst. 52. Princeps in honore offensus an pauca loquatur? R. Claudius parata concione in litum: apud quos pauca verba fecit: nam esti iustum dolorē pudor impediēbat.

Quæst. 53. Princeps an domestica mala inquirere soleat? R. Nuntiaumque Claudio periisse Messalinam, non distincto sua an aliena manu, nec ille quæsiuit: poposcitque poculum, & solita conuiuio celebrauit.

Quæst. 54. Difficiliter necredunt Principem dissimulaturum maiora: si leuibus intendat? R. Manifestum fieri magnarum rerum curam non dissimulatuos: qui animum etiam leuissimis aduerterent.

Quæst. 55. Bonus Princeps an in pœnalibus temperet leges? R. Non quidquid nocens reus pati mereretur, id egregio sub Principe statuendum. Carnificem & laqueum quidem abolita, & esse pœnas legibus constitutas: quibus sine iudicium sæuitia, & temporum infamia supplicia decernerentur.

Quæst. 56. Quis est finis sermonum cum Principe? R. Seneca, qui finis omnium cum dominante sermonum grates egit.

Quæst. 57. Ex quo à vulgo æstimentur Imperatores? R. Imperatores forma, & decore corporis (vt mos est vulgo) comparantur.

Quæst. 58. Princeps quo motiuo benè reget? R. Vtilissimam erit cogitare: quid aut volueris sub alio Principe, aut nolueris.

Quæst. 59. Princeps indigens pecuniā ubi eam extorquere debeat? R. Proxima pecuniæ cura: & cuncta scrupulis iustissimum visum est: inde repeti ubi inopiæ causa erat.

Quæst.

## CAPVT QVARTVM. 19

Quæst. 60. Quæ propriæ Galbæ natura? R. Magis extra vitia, quàm cum virtutibus.

## CAPVT QVARTVM

### *De Legibus.*

Quæst. 1. **A**N melius sit bonis ordinibus, an legibus pœnalibus vti? R. Legibus delicta puniri, quanto melius prouideri ne peccaretur.

Quæst. 2. Princeps quando vti debeat Potestate? R. Non vtendum imperio, vbi legibus agi potest.

Quæst. 3. An legibus standum sit? R. Maledictus omnis, qui non permanserit in omnibus quæ scripta sunt in libro legis.

Quæst. 4. An Legum mutatio expediat? R. Non facile & sine magno motu mutari posse: quod longo tempore radices egit.

Quæst. 5. Multitudo legum, quid arguat. R. Corruptissima Republica plurimæ leges.

Quæst. 6. Quando ius valeat? R. Vt odium & gratia definunt, ius valet.

Quæst. 7. An ex delictis oriantur bonæ leges? R. Vsu probatum est: leges egregias, exempla honesta apud bonos ex delictis aliorum gigni.

Quæst. 8. An ab antiquo rigore recedendū? R. Nocuit antiquus rigor, & nimia seueritas cui iā pares non sumus.

## CAPVT QVINTVM.

### *De Politicis, & eorum dolis.*

Quæst. 1. **Q**uid faciunt inimici Politici. Respond. Dolus interualla scelerum poscebat. Sub  
C 2      dola

dola mora criminum probationes subuertit.

Quæst. 2. An Sceleratus desistat à Scelere? Resp. Vene-  
na & artes, semel feliciter expertæ in alterius exitium faci-  
lè vertuntur. Felix scelerum quia prima prouenerant.

Quæst. 3. Quis à Politico reputetur inimicus? Respon.  
Qualiscunquæ fortunæ meæ non est adiunctus.

Quæst. 4. An Politicus sit fœlix? Resp. Nunquam erit  
fœlix, quem torquebit felicior.

Quæst. 5. An Politicus negotijs obruatur. Resp. Nego-  
tia pro solatijs habet.

Quæst. 6. An medici se Principum secretis immisceant?  
Resp. Eudemus amicus ac Medicus Liuiæ specie artis fre-  
quens secretis.

Quæst. 7. An Potentes inducant accusationes in alios  
per pecunias? Resp. Delatores genus hominum publico  
exitio repertum, & poenis nunquam satis coercitum, per  
præmia eliciebantur.

Quæst. 8. Quibus medijs violator fidei sit aggrediendus.  
Resp. Corbulo in fide qui Ganascum dolo aggredierentur:  
nec irritæ, aut degeneres insidiæ fuere aduersus transfu-  
gam, & violatorem fidei.

Quæst. 9. Quomodo sublatus Claudius. Resp. Infusum  
delectabili cibo boletorum venenum, nec vim medicami-  
nis statim intellectam: socordia ne Claudij, an vinolentia.

Quæst. 10. Quo medio aptiori æmulus deturbetur, qui  
hostiliter superari non potest? Resp. Errat enim L. Paulo  
(aiebat Fabius) si tibi minus certaminis cum C. Terentio  
quàm cum Annibale futurum censes. Nescio an infestior  
hic aduersarius, quàm ille hostis maneat: & cum illo in-  
acie tantum, cum hoc omnibus locis & temporibus cer-  
taturus es.

Quæst. 11. An vbi timetur multorum complicitas sit  
Reus

Reus publicè puniendus vel inquisitio nimium attenuanda? Resp. Nec Tiberius poenam eius palam ausus, in secreta palatij parte interfici iussit: corpusque clam auferri: & quemquam multi è domo Principis ac Senatores sustinuisse opibus: iuuisse consilijs dicerentur haud quæsitum.

Quæst. 12. Patrati an incepti criminis malint esse scelerati? Respon. Reschuporis inter metum & iram cunctatus maluit patrati, quàm incepti criminis reus esse. Occidi Cotyn iubet, mortemque sponte sumptam ementitur.

Quæst. 13. Quid faciant inimici autoritate publica freti. Resp. Sed à Sentio priuatum odium falsis criminibus tegente.

Quæst. 14. Quo genere veneni vtuntur potentes in vindictæ, & prauitatis exercitium? Resp. Igitur Seianus maturandum ratus, deligit venenum: quo paulatim irrepente, fortuitus morbus adsimularetur.

Quæst. 15. An negotijs arduis secedere conducatur? R. Quiete & solitudine abesse tœdia, & offensiones, ac præcipua rerum maximè agitari.

Quæst. 16. Princeps discedens vrbe an causas non veras & maximè pietatis prætexere studeat. Res. Inter quæ diu meditato prolatoque consilio: tandem Cæsar in Campaniam specie dedicandi templum apud Capuam Ioui, apud Nolam Augusto: sed certus procul Vrbe degere.

Quæst. 17. Facta atrocia promens an loco illustri id agat? Resp. Tiberius cùm sœuitiam ac libidinem factis promeret: locis occultabat.

Quæst. 18. Scelerum ministri ac tandem ab eodem indictore affligantur? Resp. Tiberius scelerum ministros; vt perueriti ab alijs nolebat: ita plerumque satiat, & oblaris in eandem operam recentibus veteres, & prægrauos afflxit.

Quæst. 19. Volens aliquem delicti accusatum in ruinam

vr.

vrgerē, quid addere consuevit? Resp. Ancharius Priscus; Cæsum Cordum Proconsulem Græcæ postulauerat repetundis: addito maiestatis crimine, quod tunc omnium accusationum complementum erat.

Quæst. 20. Princeps longum meditans, an atrocius prorumpat? Resp. Tiberius lentus in meditando ubi prorupisset, tristibus dictis atrociora facta coniungebat.

Quæst. 21. Ut amici non deficiant, cunctandum ne in inimici oppressione? Resp. Præueniens inimicorum astus, amicorum poenitentiam.

Quæst. 22. Quibus verò medijs? Resp. Neque exuerat pædorem ut vulgum miseratione aduerteret: non fraus, non preces, nihil omissum quo ambiguos illiceret: prompti firmarentur.

Quæst. 23. An Medici opera studeant Regnum affectantes intelligere Regentis statum? Resp. Cances Medicus, non quidem regere valetudines Principis solitus: consilij tamen copiam præberet, ad Tiberium digrediens, & per speciem officij manum complexus pulsus venarum, attigit, neque feiellit: labi spiritum nec ultra biduum duraturum Macroni firmavit.

Quæst. 24. Facilitas Principis quantæ fiduciæ sit, res magnas mollientibus? Resp. Facilitas Imperatoris fiduciam dabat: si atrocitate criminis præualuissent, posse opprimi damnatam, antequam ream.

Quæst. 25. Quomodo ab æmulis possit Princeps affecuari? Resp. Vologeses ut æmulationis suspectos per nomen obsidum amoueret: tradit nobilissimos ex familia Arsacidū.

Quæst. 26. Si capiti nationis gratiæ offerantur, & natio ipsa spernatur: quid prætenditur? Resp. Boiacalo per illas nationes claro ob memoriam amicitiae daturū agros: quod ille ut prodicionis pretium aspernatus addidit: deesse nobis

nobis terram in qua viuamus, in qua moriamur non posse.

Quæst. 27. An multi vi nocendi promoueantur? Resp. Vatinius primò in contumelias assumptus deinde optimi cuiusque criminatione, eo usque valuit, vt gratia pecunia, nocendi etiam malos præmineret.

Quæst. 28. An aliqui specie philosophiæ dolos machinentur? Resp. P. Egnatius auctoritatem Stoicæ sectæ præferebat: habitu & ore ad experimendam imaginem honesti exercitus: cæterum animo perfidiosus, & subdolus auaritiâ ac libidinem occultabat.

Quæst. 29. Magni viri plerumque an dent ambigua mandata? Resp. Mucianus ad Primum, & Varrum media scriptitabat: instandum ceptis: aut rursus cunctandi utilitates edisserens: atque ita compositus: vt ex euentu rerum, aduersa abnueret: vel prospera agnosceret.

Quæst. 30. An dentur vitia industriosa? Resp. L. Vitellio quamuis infami inerat industria: nec virtutibus vt boni, sed quomodo pessimus quisque vitijs valebat.

Quæst. 31. Politicus si æmulum palam deturbare nequeat, quid agat? Resp. Mucianus quia propalam Antonius opprimi nequibat: multis in Senatu laudibus cumularum secretis promissis onerat: citeriorem Hyspaniam, ostentans discessu Cluij Ruffi vacuam: simul amicis eius tribunatus præfecturasque largitur. Dein postquam inanem animum spe & cupidine impleuerat, vires abolet.

Quæst. 32. Cum occultis hostibus quomodo agendum? Resp. Inter ambiguos milites & occultos hostes optimum è præsentibus ratus mutua dissimulatione, & iisdem quibus petebatur artibus grassari.

Quæst. 33. Libertas an nomen speciosum? R. Libertas, & speciosa nomina prætexuntur: nec quisquam alienum seruitium, & dominationem sibi concupiuit: vt non eadem

dem ista vocabula vsurparet.

Quæst. 34. An Adulationis ergo scribatur à bonis heres malus Princeps? R. Tam cæca & corrupta mens assiduæ adulationibus erat, vt nesciret à bono Patre non scribi hæredem nisi malum Principem.

Quæst. 35. Vbi Ministri morbo correpti sit frequens à regijs visitatio, quid coniiciendum? R. Per omnem valetudinem eius, crebrius, quàm ex more Principatus per nuntios visentis & libertorum primi, & medicorum intimi venire: siue cura illud, siue inquisitio erat.

## C A P V T S E X T V M

### *De Tyranno.*

Quæst. 1. **Q**uid ostentant tyrannidem affectantes. R. Libertatem præferunt, & libertatem ipsam aggrediuntur. Credebatur si rerum potitus foret libertatem redditurus.

Quæst. 2. An eadem sit interna, ac externa tyranni facies? R. Palam compositus pudor, intus summa adipiscendilibido. Odia in longum iaciens quæreconderet, arctaque promeret.

Quæst. 3. Exosus Tyranno & innocens, quomodo arguatur? R. Verba mea arguuntur: adco sum factorum innocens. Defertur moliri res nouas.

Quæst. 4. Qui sint Tyranno exosi? R. Tiberius Arruntium diuitem, promptum artibus egregijs, & pari fama publicè suspectabat.

Quæst. 5. Quomodo Tyrannus aliorum honores corripit? R. Tiberius moderandos scæminarum honores dictitans: eadem se temperantia vsurum in his, quæ sibi tribuerentur: cæterum anxius inuidia, & muliebre fastigium in di-



diminutionem sui accipiens.

Quæst. 6. Quodnam principium teneant Tyranni? Resp. In summa fortuna id æquius quod validius. Viro aut Vrbi principi nihil iniustum, quod fructuosum.

Quæst. 7. An Tyranni sibi ipsis finaliter exosi? Respond. Reputante Tiberio publicum sibi odium, extremam ætatem, magisque fama quàm vi stare.

Quæst. 8. An fidendum sit Tyranno honores deferenti? Resp. Atque interim Libonem ornat prætura: conuictibus adhibet non vultu alienatus, non verbis commotior (ad eam iram considerat) cunctaque eius dicta factaque cum prohibere posset scire malebat.

Quæst. 9. Tyranni quomodo iura subuertant? Resp. Et quia vetere senatusconsulto quæstio in caput Domini prohibebatur: callidus & noui iuris repertor Tiberius mancipari singulos actori publico iubet: scilicet vt in Libonem ex seruis saluo Senatusconsulto quæreretur.

Quæst. 10. Quàm fallacia sint Tyrannorum iuramenta? Resp. Iurauitque Tiberius petiturum se vitam quamuis nocenti: nisi voluntariam mortem properauisset.

Quæst. 11. Tyrannus an facile Senatus consilij acquiescat? Resp. Inclinator Senatus incitamentum Tiberio fuit, quo promptius aduersaretur.

Quæst. 12. Iratus Tyrannus an iram dissimulatione misceat? Resp. Sermo ceptus à Cæsare, qualem ira, & dissimulatio gignit.

Quæst. 13. An alti stipitis proles Tyranno semper suspecta sit? Respon. Nihil tamen Tiberium magis penetrauit: quàm studia hominum accensa in Agrippinam: cum decus Patriæ, solum Augusti sanguinem, vnicum antiquitatis specimen appellarent: versique ad cælum ac Deos integram illi sobolem, ac superstitem iniquorum precarètur.

D

Quæst.

Quæst. 14. An sub Tyranno præstet esse famosum? Resp. Postquam cœdibus sæuitum: magnitudo famæ exitio erat.

Quæst. 15. An Tyrannus relinquat speciem Reipublicæ sibi vim principatus retinendo? Resp. Tiberius vim principatus sibi firmans imaginem antiquitatis Senatui præbebat: postulata prouinciarum ad disquisitionem Patrum mittendo.

Quæst. 16. An ipsi Tyranno sordescat hominum illustrium vilis abiectio? Resp. Tiberius quoties è curia egrederetur: græcis verbis alloqui solitus: O homines ad seruitutem paratos? Scilicet etiam illum qui libertatem publicam nollet: tam proiectæ seruientium patientiæ tædebat.

Quæst. 17. An sola forma, an alijs motiuis inducatur Tyrannus ad libidines exercendas? Resp. Tiberius saxa rursum, & solitudinem maris repetijt, pudore scelerum & libidinum: quibus adeò indomitis exarserat: vt more regio pubem ingenuam stupris pollueret: nec formam tantum, & decora corpora, sed & in his modestam pueritiam: in alijs imagines maiorum incitamentum cupidinis habebat.

Quæst. 18. An interna Tyrāni viscera morsibus propriæ synderesis dilanientur? Resp. Non frustra sapientissimus firmare solitus est: si recludantur tyrannorum mentes, posse aspici laniatus & ictus: quando vt corpora verberibus: ita sæuitia, libidine, malis consultis animus dilaceretur.

Quæst. 19. An rarum sit magnum animum temperamento modestiæ sub Tyranno se fatis reservare? Resp. L. Piso Pontifex rarum in tanta claritudine fato abiijt: nullius seruilis sententiæ spontè author: & quoties necessitas ingrueret sapienter moderans.

Quæst. 20. Sub Tyranno an diuitiarum auiditas moreat ad ruinam? Resp. Sextus Marius Hispaniarum ditissimus, defertur incestasse filiam, & Saxo Tarpeio deijcitur. Ac ne  
du-

dubium haberetur magnitudinem pecuniæ malo vertisse : aurarias eius quamquam publicarentur sibi met Tiberius seposuit.

Quæst. 21. An sub Tyranno ob calamitates suis illatas inter sit se offensum demonstrare ? Resp. Caius Cæsar immanem animum subdola modestia tegens, non damnatione matris, non exilio fratrum rupta voce, qualem diem Tiberius induisset: pari habitu, haud multum distantibus verbis.

Quæst. 22. An habituatus & callidus Tyrannus aperiat aliquando scelerum atrocitatem ? Resp. Penetrabat pauor, & admiratio callidum olim, & tegendis sceleribus obscurum: huc confidentiæ venisse: vt tanquam dimotis parietibus ostenderet Nepotem sub verbere centurionis, inter feruorum ictus extrema vitæ alimenta frustra orantem.

Quæst. 23. Quis Rex faciliè deseratur ? Resp. Deseritur Rex sæuus in Pace: & aduersis præliorum exitiosus.

Quæst. 24. Tempore Tyrannico an atrocita aduertantur ? Resp. Neque quod morte adfecti forent: adfuetudine malorum, vt atrox aduersabatur.

Quæst. 25. An Tyrannus inhians facultatibus vasallorum faciliè credat iniurias sibi illatas ? Resp. Valerium Asiaticum bis Consulem fuisse quondam adulterum eius credidit Claudius: pariterque hortis inhians, quos ille à Lucullo ceptos insigni magnificentia extollebat.

Quæst. 26. An scelerati apud Tyrannos sint instrumenta regni ? Resp. Deligitur artifex talium vocabulo Locusta, nuper veneficijs damnata: & diu inter instrumenta regni habita.

Quæst. 27. Sub Tyranno quæ sit causa necis ? Resp. Mors Iunij Syllani proconsulis Asiæ dolo Agrippinæ paratur: quæ L. Syllano fratri eius necem molita ultorem metue-

bat: & quod spectaretur è Cæsarum posteris: Hæc causa necis.

Quæst. 28. Extincto aliquo per dolum à Tyranno quid dein agat? Respon. Additurum Principem defunctæ templum & aras & cœtera ostentandæ pietatis.

Quæst. 29. An Tyrannus post atrox factum se lenem ostendere satagat? Resp. Nero demota matre quo acutam lenitatem suam testificaretur: foeminas illustres, & viros sedibus Patrijs reddidit, ab Agrippina olim pulsos.

Quæst. 30. Prodestne sub Tyranno non esse antiquæ prosapix, & quietum? Resp. Vixit post hæc Regulus quicte defensius: & quia noua generis claritudine, neque inuidiosis opibus erat.

Quæst. 31. Tyranni quo violentiæ principio innitantur? Resp. Non ignauia magna Imperia contineri: virorum armorumque faciendum certamen: Id in summa fortuna æquius quod validius: & sua retinere priuatæ domus: de alienis certare regiam laudem esse.

Quæst. 32. Tyrannus vt facit scelera ita ne audit? Resp. Nero vt faciendis sceleribus promptus: ita audiendi quæ faceret insolens erat.

Quæst. 33. Qui Pellicem Principis sine licentia matrimonio ducit: an eum offendat? Resp. Accesserat: recens causa offensionis, quod Vestinus Statiliam Messalinam matrimonio sibi iunxerat: haud nescius inter adulteros eius, & Cæsarem esse.

Quæst. 34. Improbi homines quid laudent pro virtutibus? Resp. Nero laudauit apud rostra Poppæam: formam eius, & quod diuinæ infantis Parens fuisset: aliaquæ fortunæ munera pro virtutibus.

Quæst. 35. An Tyrannus quærat interficere coniunctos à se sublatis? Resp. Haud minus promptè L. Verus sacrus

crusque eius Sentia & Pollutia filia necem subiere; inuifi Principi tanquam viuendo exprobrarent interfectum esse Rubellium Plautum generum Lucij Veteris.

Quæst. 36. Tyrannus an cœde inimici & æmuli summe lætetur? Resp. Otho caput Pisonis insatiabilibus oculis perlustrasse: & vt inimici, & æmuli cœde lætari ius fasque credebat.

Quæst. 37. Tyrannus in initio Principatus an scelera prohibere valeat? Resp. Othoni nondum autoritas inerat ad prohibendum scelus: iubere iam poterat.

Quæst. 38. Tyrannus cùm audit reos, an plene audiat? Resp. Suetonium Paulinum, & Licinium Proculum tristi mora squallidos tenuit: donec auditi necessarijs magis defensionibus, quàm honestis vterentur.

Quæst. 39. Quis dies post malum Principem bonus? Resp. Optimus post malum Principem dies primus.

Quæst. 40. Quomodo mali Principes tolerandi? Resp. Quomodo sterilitatem, aut nimios imbres, & cœtera naturæ mala: ita luxum, & avaritiam dominatium tolerate. 6

Quæst. 41. Magnus vir tempore Tyranni à quibus debeat abstinere? Respon. Domitiani verò præceps natura in iram: & quo obscurior & irreuocabilior: moderatione tamen prudentiaque Agricolaë leniebatur: quia non contumacia, neque inani iactatione libertatis famam, fatumque prouocabat.

## CAPVT SEPTIMVM.

*De Fama.*

Quæst. 1. **A**N famæ deferendum? Resp. Non ex rumore statuendum: & famam esse sermonem sine villo certo authore dispersum: cui malignitas initium

tium, dederit: credulitas incrementum: quod nulli non etiam innocentissimo potest accidere: fraude inimicorum falsa vulgantium. Fama malum plurimum mendax: quæ ne tum quidem, cum aliquid veri affert: sine mendacij vitio est: detrahens, adiciens de veritate. Quid quod ea conditio illi est: vt nisi cum mentitur perseveret. Et tamdiu venit, quam diu non probat. Suspiciones imbecillæ: & inania famæ non pertimescenda.

Quæst. 2. An fama secreta Principum aperiat? Respon. Habet hoc magna fortuna, quod nihil tectum, n hil occultum esse patitur: Principum verò non modò domos, sed cubicula ipsa, intimos recessus recludit: omniaque arcana noscenda famæ explicat & proponit.

Quæst. 3. Quod est maius Principum flagellum? Resp. Atrocior semper fama, erga Dominantium exitus.

Quæst. 4. An Principum potentia subtrahat futuri temporis famam? Resp. Præsentis potentia non extinguitur sequentis æui memoria.

Quæst. 5. Reddat ne magis gloriosum funus pompa: an actionum illustrium memoria? Resp. Funus sine imaginibus, & pompa: per laudes & memoriam virtutum eius celebre fuit.

Quæst. 6. Quæ verba à Tiberio dicta mereantur immortalitatem? Resp. Sequentia in Senatu prolata: Ego me P: C: mortalem esse, & hominum officia fungi: satisque habere, si locum Principem impleam: & vos testor, & meminisse posteros volo: qui satis superque memoriæ meæ tribuent: vt maioribus meis dignum, rerum vestrarum prouidum, constantem in periculis, offensionum, pro vtilitate publica non pavidum credant: hæc mihi in animis vestris templa: hæc pulcherrimæ effigies & mansuræ: nam quæ saxo struuntur: si iudicium posterorū in odiū vertit,

vertit, pro Sepulchris spernuntur. Proinde socios, Ciuēs, & Deos ipsos precor: hos vt ad finem vsque vitæ quietam & intelligentem humani, diuinique iuris mentem donent: illos vt quandocumque concessero, cum laude, & bonis recordationibus facta atque famam nominis mei prosequantur.

Quæst. 7. Quanta sit in Principe famæ cura? Resp. Cœtera Principibus statim adfunt: vnum insatiabiliter parandum: prosperam sui memoriâ: nam contemptu famæ contemni virtutes. Cœteris mortalibus in eo stare consilia quod sibi conducere putent: Principum diuersam esse sortem: quibus præcipua rerum ad famam dirigenda.

Quæst. 8. Existente fama de trepidatione Principis quid agere debeat? R. Cæsar quo famam auerteret: adesse frequens Senatui: Legatosque audiebat.

Quæst. 9. In magna Vrbe an priuatorum acta deliteant? R. Romæ sueti discursus, & magnitudine Urbis incertum, quod quisque ad negotium pergat.

Quæst. 10. An iuuet ad victoriam fama mortis aduersi Ducis. R. Fama occisi falsò credita exterruit Parthos: victoriamque concessere.

Quæst. 11. Principi an cura sit ii. posteros relinquere recordationem? R. Tiberio non perinde curæ gratia præsentium: quàm in posteros ambitio.

Quæst. 12. Vir fortis an præferat casum suum ex causa magna, quàm leui, & non forti manu? R. Asiaticus honestius calliditate Tiberij: vel impetu C. Cæsaris periturum. dixit: quam quod fraude muliebri, & impudico Vitellij ore caderet.

Quæst. 13. An magni Viri testamentum valdè confidetur? R. Veranius magna vixit seueritatis fama supremæ testamenti verbis ambitionis manifestus.

Quæst.

## 32 IOCI POLITICI

- Quæst. 14. Vbi mors ineuitabilis, quæ sit eligenda? R. Moriendum vitis, moriendum deditis: id solum referre nouissimum spiritum, per ludibrium, & contumelias effundant: an per virtutem.

## CAPVT OCTAVVM.

*De Ingenijs res novas cupientibus.*

Quæst. 1. **Q**uid de magnis ingenijs in ordine ad Rempublicam sentiendum? R. Sceleratis ingenijs, & plusquam ciuilia cupientibus non dominari instar seruitutis est.

Quæst. 2. Qui res nouas moliantur? R. Sæpe in ciuitate quibus opes nullæ sunt, noua expetunt, vetera odere: odioque suarum rerum mutari omnia student. Qui priuatim degeneres & ignaui; in publicum & Principem exitiosi nihil spei nisi per seditiones habent. Impossibile est cum homines sua prodigè consumpsere, vt non res nouas, & Reipublicæ mutationem: aut ipsi tyrannidi insidiando: aut alios ad ipsam vocando quærant.

Quæst. 3. An Nobiles sint insolentes? R.

*Nobilitas fastum: fastus litem parat & armat.*

*Lis Odium capiunt: hac tria mortis iter.*

Quæst. 4. An fidendum sit pollicitationibus res nouas, & potentiam affectantis? R. Alius cupientium, alius adeptorum animus esse solet.

Quæst. 5. An qui anhelant ad honores sint promouendi? R. Inuitos non ambientes Reipublicæ præficiendos.

Quæst. 6. An potentes sint ociosi relinquendi? R. Ingenia quæ cum Principatus, & pluris habendi cupidine confluantur: si à consuetis occupationum exercitijs cessant: difficile tolerari possunt.

*Quæst.*



Quæst. 7. An in seditionibus sit considerata paruitas causæ? Resp. Omnes fermè seditiones non de paucis, sed ex paruis rebus exoriuntur.

Quæst. 8. Quis putetur aptus nationibus turbandis? Resp. Asiaticus genitus Viennæ: multisque & validis propinquitatibus iunxit: turbare gentiles nationes promptum haberet.

Quæst. 9. Genius Nobilitatis an turbido, vel claro tempore gaudeat? Resp. Interim Gotarzes contrahit copias, reuocante nobilitate cui in pace durius seruitium est.

Quæst. 10. An homini vago fidendum? Resp. Trepidabatur à Cæsare: quippè Getæ Prætorij præfecto laud satis fidebat: ad honesta seu praua iuxta leui.

Quæst. 11. An vaga ingenia gaudeant publica calamitate? Resp. Cæcina ægrè passus miscere cuncta, & priuata vulnera Reipublicæ malis aperire statuit.

## CAPVT NONVM.

*De Prudentia.*

Quæst. 1. **F**ortunæ & tempori an aliquando cedendum? Respon. Fortunæ sæuienti submitendus animus. Æmulatione potentiæ, validiores non irritandi. Relinquendum rumoribus tempus quo senescant: plerumque innocentes recenti inuidia impares. Multa quæ prouideri non possunt fortuito in melius accidunt. Optimum officium est posse, non solum resistendi, sed etiam cedendi prudenter inspicere.

Quæst. 2. Occasio quàm benè capienda? Respond. In occasionem capiendam intenti, paratique homines esse debent: ne præbenti sese fortunæ desint: sed oblatam casu ad consilium flectant: eaque prouidè, & audacter vtantur:

E tur:

tur : ne si in occasionis momento : cuius citò præteritò-  
lat opportunitas cunctari paulò fuerint : nec quicquam  
mox omissum querantur . Nec consilio , aut celeritate ,  
nec etiam virtute , aut quantalibet potentia tantæ res :  
quantæ occasionis opportunitate geruntur .

Quæst. 3. An cedendum loco instante persecutione ?  
Resp. Conspiratione inimicorum , & invidia falsi criminis  
nusquam locus veritati , & innocentia .

Quæst. 4. An miseri sint prudentes ? Resp. Qui aduersa  
fortuna prostrati , non tamen se tradiderunt : hi per con-  
stantiam & prudentiam ipsas necessitates calcare possunt .

Quæst. 5. An magnus vir si à ceptis desistat , prudenter  
agat ? Resp. Multa magnis viris sicut non aggredienda : ita  
semel aggressa non facile dimittenda sunt .

Quæst. 6. An honores moderatè petendi ? Resp. Mo-  
deratus cursui , qui vult propius regredi .

Quæst. 7. Coram Superbis quomodo loquendum ? Res.  
Haud tutum contumacius loqui , apud aures superbas : &  
offensioni prouiores .

Quæst. 8. In malo domestico an quis lætus esse debeat ?  
Respon. Mala domestica tristitia operienda .

Quæst. 9. An Orator debeat seruare modestiam ? Resp.  
Facundia non est violentia præcipitanda .

Quæst. 10. Abstinendum ne etiam à vanis ? Resp. Stolidi ,  
& vana , & si mollius accipiantur moderanda .

Quæst. 11. An quisque honorum delationem bono a-  
nimo suscipere debeat ? Res. Magis nullius interest , quàm  
tua T. Octaville non imponi ceruicibus tuis onus sub quo  
concidas . Turpe est quod nequeas capiti committere  
pondus . Expressum inflexo mox dare corda genu .

Quæst. 12. Cum Princeps dicit se respondisse vrgen-  
dum ne est ? Res. Senāt Tiberius , & cum paululum reticui-  
set

set Hortalo se respondiſſe ait. Neque miſeratus eſt poſt hac Tiberius quamuis domus Hortenſij pudendam ad inopiam dilaberetur.

Quæſt. 13. An expediat ſe ſuperioribus cōmiſcere, an cum eis altercari? Reſp. Superflua aduerſus Rectores querela.

Quæſt. 14. An magnæ ſtirpis vir debeat in aduerſa fortuna vultum accommodare? Reſp. Igitur cultu, vultuque, quàm maximè ad præſentem fortunam comparato: Regiam ingreditur Mithridates.

Quæſt. 15. Qui veneno interimiri dubitat: quos cibos maximè vitare debeat? R. Infuſum delectabili cibo boletorum venenū: nec vim medicaminis ſtatim intellectam.

Quæſt. 16. Qui neſciens Principem offendit, an debeat deprecari, vel ignorantiam continuare? R. Iulius Montanus per tenebras cum Principe congreſſus: quia vim tentantem acriter repulerat: deinde agnitum orauerat: quaſi exprobraſſet mori adaçtus eſt.

Quæſt. 17. An intuitu maiorum ſint reticenda nomina degenerantium filiorum? R. Egeſtate venales, & fato perfunctos ne nominatim tradam: maioribus eorum tribuendum puto.

Quæſt. 18. An quis debeat eundo benè præconſiderare regreſſum? R. Eundi ultro ſi ratio ſit eamdem mox facultatem: regreſſus ſi poeniteat in aliena poteſtate.

Quæſt. 19. An cunctatio & media via ſemper bona? R. Ipſe inutili conſultatione: agendi tempora conſultando conſumpſit: mox vtrumque conſilium aſpernatus: quod inter ancipitia deterrimum eſt: dum media ſequitur: nec auſus eſt ſatis, nec prouidit.

Quæſt. 20. An Sapiens quærat lucrum cum damno publico? R. Vulgus ad magnitudinem beneficiorum aderat:

stultissimus quisque pecunijs mercabatur : apud sapientes cassa habebantur , quæ neque dari , neque accipi , salua Re- publica poterant .

Quæst. 21. Quomodo vir fortis inuidiam vitare possit ?  
R. Virtute in obsequendo , verecundia in prædicando , ex- tra inuidiam , nec extra gloriam fuit .

## C A P V T D E C I M V M .

*De Fortuna , & eius varietate .*

Quæst. 1. **A**N felicitati fidendum ? R. Qui felici & prolixo rerum successu insolescit : is non animaduertit , quàm infida atque infelici audacia efferatur : Cùm incerti sint exitus omnium bellorum : Marsque com- munis , qui sæpè spoliantem , iam & exultantem ab abie- cto perculit , & auertit .

Quæst. 2. Quid diligatur in Principe ? R. Sunt magis cum fortuna nostra , quàm nobiscum . Vindicabitis vos , si me potiùs , quàm fortunam meam fouebatis .

Quæst. 3. Quid præseruet ab inuidia ? R. Magnitudi- nem , & grauitatem summa fortuna retinens : inuidiam , & arrogantiam effugit .

Quæst. 4. Quid agere debeat , qui Fortuna extollitur ? R. Quidquid in excelsa fastigio positum est : humili , & trita consuetudine quo sit venerabilius vacuum esse conuenit .

Quæst. 5. An quo maior eo diligentior & cautior ? R. Seianus nimia Fortuna socors : & muliebri cupidine in- census .

Quæst. 6. An sit bonum in summo claritatis fastigio versari ? R. Sæua & superba ingenia : quæ humanæ felicitatis terminos transgrediuntur : de suo statu deturbantur , & in nihilum rediguntur .

Quæst.

Quæst. 7. Quem in certamine pium, vel impium fortuna puniat? Resp. Initoque certamine pertinacior impietas: fortunæ iudicio morte mulctata est.

Quæst. 8. An fortes viri cedant necessitati? Resp. Cedit interdum generosus spiritus vtilitati: & fortunæ viribus succumbit: vbi nisi tutiora elegerit consilia, & tutiora concidendum est.

Quæst. 9. An fallax sit hominum de Principis successionem coniectura? Resp. Mihi quantò plura recentium, seu veterum reuoluo: tantò magis ludibria rerum mortalium cunctis in negotijs obuersantur: quippe fama, spe, veneratione potius omnes destinabantur imperio: quàm quem futurum Principem fortuna in occulto tenebat.

Quæst. 10. An fortunati Principes interno malo quandoque affligantur? Resp. Vt valida Diuo Augusto in Rempublicam fortuna: ita domi improspira fuit: ob impudicitiam filix, ac neptis, quas vrbe depulit: adulterosque earum morte, aut fuga puniuit.

Quæst. 11. An rerum etiam mortalium sit quidam orbis? Resp. Nisi fortè rebus cunctis insit quidam velut Orbis: vt quemadmodum temporum vices: ita morum verantur: nec omnia apud priores meliora: sed nostra quoque ætas multa laudis, & artium imitanda posteris tulit.

Quæst. 12. An obsequio quis æquè ac libertate clarescere: & medijs summis honoribus præstent? Resp. Nam illa ætas duo pacis decora simul tulit: sed Labeo incorrupta libertate, & ob id fama celebratior. Capitonis obsequium dominantibus magis probabatur: Illi quod præturam intra stetit, commendatio ex iniuria: huic quod Consulatum adeptus est odium ex inuidia oriebatur.

Quæst. 13. An sufficiat esse Sapientem, an non etiam requiratur sapientiæ fortuna? Resp. Lepidum temporibus illis

illis grauem, & sapientem virum fuisse comperio. Nam pleraque à sœuis adulationibus aliorum in melius flexit: neque tamen temperamenti egebat: cum æquabili auctoritate, & gratia apud Tiberium vigeret. Vnde dubitare cogor fato, & sorte nascendi vt cœtera: ita Principum inclinatio in hos, offensio in illos. An sit aliquid in nostris consilijs, inter abruptam contumaciam, & deforme obsequium, pergere iter ambitione, & periculis vacuum.

Quæst. 14. An bonitas Principis in statu priuato: perseueret vbi in altum eleuatur? Resp. Tiberius egregius vita, famaque, quo ad priuatus in Imperijs sub Augusto fuit: Dein post tantam rerum experientiam, vi dominationis conuulsus, & mutatus est: Postremò in scelera simul, & dedecora prorupit: postquam remoto pudore, & metu: suo tantum ingenio utebatur.

Quæst. 15. An qui apud Principem maximè possunt, formident mutationem? Resp. Domus Principis inhoruerat: maximèque quos pœnes potentia: etsi res vertent, formido.

Quæst. 16. An semper dites, & sine successione æstimentur? Resp. Galuia Crispinilla potens pecunia, & orbitate, quæ bonis, malisque temporibus iuxta valent.

## CAPVT VNDECIMVM.

### *De Dominio, & alijs vitijs Fœminarum.*

Quæst. 1. **A**N Fœminarum dominatio desiderabilis? Resp. Sexus muliebris insolens, ac superbus, vbi licentia accessit: totus in avaritiam, ac sæuam crudelitatem effunditur. Nihil relinqui Imperatoribus, vbi fœmina manipulos interuisat, signa adeat, largitionem tentet.

Quæst. 2.

Quæst. 2. An arcana mulieri communicanda? Resp. Secreta viri corrupta vxore producuntur. Sallustius monuit Liuiam: ne arcana domus, ne ministeria militum vulgarentur.

Quæst. 3. Cauendum ne fœminæ impudicæ? Resp. Fœmina amissa pudicitia, alia flagitia non abnuuit.

Quæst. 4. Quo motiuo cum fœminis agendum? Resp. Facilis fœminarum credulitas ad gaudia.

Quæst. 5. An Agrippina Claudium morte violenta sustulerit? Resp. Agrippina de genere veneni consultauit: ne repentino, & præcipiti facinus proderetur: si lentum, & tabidum delegisset: ne ad motus supremis Claudius, & dolo intellecto ad amorem filij rediret: exquisitum aliquod placebat, quod turbaret mentem, & mortem differret.

Quæst. 6. An multi doli exerceantur ministerio fœminarum? Resp. Vt versa Cæsarum sobole Imperium adeptus est: elicit Archelaum matris litteris, quæ non dissimularis filij offensionibus clementiam offerebat: si ad precandum veniret: ille ignarus doli, vel si intelligere crederetur vim metuens: in urbem properat.

Quæst. 7. Quanta est in fœmina Nobili impudiciæ confessio? Resp. More inter veteres recepto qui satis penarum aduersum impudicas in ipsa professione flagitij credebant.

Quæst. 8. An per vxores Iudices auro corrumpi soleant? Resp. Cogitarent ipsi quoties repetundarum aliqui arguerentur: plura vxoribus obiectari.

Quæst. 9. Vxoris error an in Mariti culpam redundet? Resp. Frustra nostram ignauiam alia ad vocabula transferri: nam viri in eo culpam: si fœmina modum excedat.

Quæst. 10. An sceleratus per vxorem æmuli ruinam attent-

ten-

tentet? Resp. Cuncta tentanti Seiano, promptissimum vifum ad vxorem Drusi Liuiam conuertere. Quæ Soror Germanici formæ initio ætatis indecoræ: mox pulchritudine præcellebat.

Quæst. 11. Quo verò medio corrumpitur æmuli vxor? Resp. Liuiam vt amore incensus adulterio pellexit: & postquam primi flagitij potitus est: neque fœmina amissa pudicitia alia abnuerit: ad coniugij spem, consortium regni, & Mariti necem impulit.

Quæst. 12. An fœcunditate fœmina insolescat? Resp. Superbia fœcunditate subnixa popularibus studijs inhiat dominationi.

Quæst. 13. Quis fœminarum animis alliciendis aptus? Resp. Fusius Consul gratia Augustæ floruerat: aptus alliciendis fœminarum animis dicax.

Quæst. 14. An formident Ministri Principem fœminæ subiectum crudeli? Resp. Subibat sine dubio metus: reputantes hebetem Claudium: & vxori deuinctum: multasque mortes iussu Messalinæ patratas.

Quæst. 15. An fœmina sciat malis miscere bona? Resp. Agrippina ne malis tantùm facinoribus notesceret: veniam exilij pro Annæo Seneca simul Præturam impetrat: lætum in publicum rata ob claritudinem studiorum eius.

Quæst. 16. An etiam apud gentes fuerit muliebre Imperium ignominiosum? Resp. Accensi hostes stimulante ignominia, ne fœminæ imperio subderentur.

Quæst. 17. An fœminæ soleant in vitij æmulari? Resp. Vtraque impudica, infamis, violenta: haud minus vitij æmulabantur: quàm si qua ex fortuna prospera acceperant.

Quæst. 18. Fœmina an promptè accipiat occasionem facinoris? Resp. Tum Agrippina sceleris olim incerta: & oblata



oblata occasione propra, nec ministrorum egens, de genere veneni consultauit.

Quæst. 19. Quæ sunt extrema pessimæ fœminæ? Resp. Proximi amicorum orabant, meruebantque cauere infidias mulieris semper atrocis, tum & falsæ.

Quæst. 20. Quid tentent pellices, vt euertant apud Maritum vxorem? Resp. Poppæa diu pellex, & adulteri Neronis: mox Mariti potens: quemdam ex Ministris Octauia impulsit feruilem ei amorem obijcere.

Quæst. 21. Estne bonum muliebre consilium? Resp. Cœpit vxoris consilium muliebre, ac deterius.

## CAPVT DVODECIMVM.

*De Humana fœlicitate, & infœlicitate.*

Quæst. 1. **Q**uæ sit vera tranquillitas? Resp. Insignis vitæ tranquillitas, nullis Reipublicæ negotijs permixto.

Quæst. 2. An elatus celeriter euitet inuidiam? Respon. Nec fumum ignis gignit, nec inuidiam gloria: sed subitò, ac celeriter effulgeat.

Quæst. 3. Inter quas non regnet inuidia? Resp. A diuersis virtutibus profecta gloriæ cupiditas contentionibus non est obnoxia.

Quæst. 4. An diu viuatur qui cum Principe moritur? Resp. Satis vixit, qui cum Principe vitam expleuit.

Quæst. 5. Quæ est fœlicitatis, & infœlicitatis comes? Resp. Primæ inuidia: postremæ misericordia.

Quæst. 6. An altum dominium sit solamini subditorum? Resp. Si videris calumnias egenorum, & violenta iudicia: & subuerti iustitiam in Prouincia non mireris super hoc negotio: quia excelsio excelsior est alius: & super

F hos

hos quoque eminentiores sunt alij . Et insuper vniuersæ terræ Rex imperat seruienti.

Quæst. 7. An vita rustica sit laudabilis? Resp. Vita rustica parsimoniæ, iustitiæ, & diligentiae magistra.

Quæst. 8. Quid magis hominem pessumdet foelicitas, vel infœlicitas? Resp. Miseriæ tolerantur: foelicitate corumpimur.

Quæst. 9. An Populus exultet si videat publicos fures malè partis non gaudere? Respon. Grande gaudium fuit, quòd tam pauperes forent: quibus donasset Nero: quàm quibus abstulisset.

Quæst. 10. Exauctoratio Principis an commoueat humanum genus? Resp. Nec quisquam adeò rerum humanarum immemor: quem non commoueret illa facies: Romanum Principem, & generis humani paulò ante dominum, relicta fortuna, sua sede, per populum per Urbem exire de Imperio.

Quæst. 11. Quàm bonum sub bono, quàm malum sit esse sub malo Principe? Resp. Sicuti durare in hac beatissimi sæculi luce, ac Principem Traianum videre, augurio votisque apud nostras aures ominabatur: ita festinatæ mortis grande solatium tulit: exâsisse postremum illud tempus, quo Domitianus non iam per interualla, ac spiramenta temporum: sed continuò, & velut vno iectu Rempublicam exhauserat.

## CAPVT DECIMVM TERTIVM.

### *De Publica, & Propria Securitate.*

Quæst. 1. **A**N domesticorum fides, & seminarum, conducat ad propriam securitatem? Resp. Spargi venenum in tres non poterat: egregia custodum

dum fide, & pudicitia Agrippinæ impenetrabilis.

Quæst. 2. An alienis viribus fidendum? Resp. Leui momento magnæ sæpè amicitiae, & societates dirimuntur. Nihil rerum mortalium magis instabile, ac fluxum quam fama potentiae non sua vi nixæ.

Quæst. 3. An suffic at distare ab inimico infida familia? Resp. suorum insidijs externas inter gentes occidit.

Quæst. 4. Quid ex luxu, & luxuria Ciuium arguendum? Resp. Nec enim vllum magis certum, aut minus fallax ægræ, & mox victuræ Ciuitatis indicium solet esse: quam vestium, & conuiuiorum luxuria.

Quæst. 5. Quæ sunt ruituræ Reipublicæ præambula? Resp. Excessus luxuriæ: mutatio Religionis: discordia, & factio optimatum: impunitas atrocium delictorum.

Quæst. 6. An malum vsurarum multa in Republica interuertat? Resp. Vetus vrbi senebre malum: & seditionum, discordiarumque creberrima causa.

Quæst. 7. Cui rei prius consulendum vindictæ, an securitati? Resp. Certatim ceteri circumstrepunt iret in Castra Claudius firmaret prætorias cohortes: Securitati antequam vindictæ consuleret.

Quæst. 8. An bonum sit turbato Principi erga vxorem ipsam se ei videndam, & prolem obiectare? Resp. Messalina quamquam res aduersæ consilium adimerent, ire obuiam, & aspici à Marito: quod sæpè subsidium habuerat haud segniter intendit: iussitque vt Britannicus, & Octauia in complexum Patris pergerent.

Quæst. 9. An solùm authores scelerum, an non etiam Ministri de medio amouendi? Resp. Puniendi rerum atrocium ministri: vbi pretia scelerum adepti: scelera ipsa alijs delegens.

Quæst. 10. Minus Sapiens, & diues an magis tutus?

F 2 Resp.

Resp. Cui minor Sapientia, & ex mediocritate fortuna pauciora pericula sunt.

Quæst. 11. An speciosi philosophi vitandi sint? Resp. Præcauendi: quomodo fraudibus inuolutos, aut flagitijs commaculatos: sic specie bonarum artium falsos, & amicitie fallaces.

Quæst. 12. In Seditionibus vbi plures, an ibi omnes? Resp. Nec cuiquam vltra fides, aut memoria prioris Sacramenti: sed quod in seditionibus accidit: vnde plures erant, omnes fuere.

Quæst. 13. Quæ fuerit natura Cornelij Fusci? Resp. Non tam præmijs periculorum, quàm ipsis periculis læsus: pro certis, & olim partis, noua, ambigua, & ancipitia malebat.

Quæst. 14. An fidendum custodibus promittentibus se socios fugæ? Resp. Domitiano aderat animus: sed custodes à Vitellio additi, quamuis se socios fugæ promitterent: tanquam insidiantes timebantur.

Quæst. 15. Habere pecunias: senem esse sine successione an tutum? Resp. Domitius Balbus longa senectæ, simul orbitate & pecunia insidijs obnoxius.

Quæst. 16. Quæ est pestis Reipublicæ? Resp. Auaritia, & Luxuria pestes: quæ omnia magna Imperia euerterunt.

## CAPVT DECIMVMQVARTVM.

### *De Iudicijs.*

Quæst. 1. **A**N Iudex in omnibus iustus esse debeat? Resp. Nolite iniquum aliquid facere in iudicio: in regula, in pondere, in mensura, in statera: iusta, & æqua sint pondera: iustus modius, æquusque sextarius.

Quæst. 2.

Quæst. 2. An semper præstet ab vno iudicari? Resp. Vera, aut in deterius credita iudice ab vno facilius discernuntur: odium, & inuidia apud multos valent.

Quæst. 3. An innocens timeat iudicium? Resp. Iudica me Domine, quoniam ego in innocentia mea ingressus sum. Retribuet mihi Dominus secundum iustitiam meam: & secundum puritatem manuum mearum retribuet mihi: quia custodiui vias Domini. Quis vnquam innocens perijt, aut quando recti deleti sunt?

Quæst. 4. An reus se ipsum defendere debeat? Resp. Proprius metus exercitum quoque eloquentiam debilitat.

Quæst. 5. Ad quid aduertere debeat qui à Iudice interrogatur? Resp. Non minus vitandum superuacua dicere, quam contraria.

Quæst. 6. Quæ obseruare debeat Iudex in iudicando? Resp. Pone autem in rationali iudicij, doctrinam, & veritatem, quæ erunt in pectore Aaron: quando ingredietur coram Domino, & gestabit iudicium filiorum Israel. Videte quid faciatis, non enim hominis exercetis iudicium, sed Domini: & quodcumque iudicaueritis, in vos redundabit. Sit timor Domini vobiscum: & cum diligentia cuncta facite: non est enim apud Dominum Deum nostrum iniquitas: nec personarum acceptio: nec cupido munerum.

Quæst. 7. Magna scelera an facile aperiantur? Resp. Magnitudo facinoris metum, probationes, diuersa interdum consilia adferunt.

Quæst. 8. Quæ obseruare debeat Iudex? Resp. Immoto eius vultu excipitur: mox authores, & libellos recitat Cæsar: ita moderans ne lenire, neve asperare crimina videretur.

Quæst. 9. Quomodo iudicandum? Resp. Non de legibus, sed ex legibus.

Quæst. 10.

46 *I O C I P O L I T I C I*

Quæst. 10. Quæ in accusatore, & accusato vitanda sint? Resp. Quod neque conuictum noxæ reo, si recentia purgaret: neque defensum absolutioni erat: si teneretur maioribus flagitijs.

Quæst. 11. An rigor in correctione delictorum profit? Resp. Tum Gn. Pompeus tertium Consul corrigendis moribus delectus: & grauior remedijs: quam delicta erant: suarumque legum idem author, & subuerfor: quæ armis tuebatur, armis amisit.

Quæst. 12. An testibus processus informatiui plus fidei adhibeatur: quàm inductis ad defensam? Resp. Arguentibus ad perniciem, plus fidei fuit.

Quæst. 13. An intersit Reipublicæ puniri iudices pecunia corruptos? Respon. P. Suillium quæstorem quondam. Germanici cum Italia arceretur: conuictus pecuniam ob rem iudicatam accepisse: amouendo in Insulam censuit: tanta contentione animi: vt iureiurando obstringeret Tiberius, id è Republica esse.

Quæst. 14. An semper expediat crimen negare? Resp. Terentius apud Senatum hunc modum orsus est. Fortunæ quidem meæ fortasse minus expediat, adgnosce crimen, quàm abnuere: sed utcumque casura res sit, fatebor.

Quæst. 15. Reus an debeat clara distinctione procedere vbi factum est ambiguum? Resp. Terentius ait: Quid ergo hæc indistincta defensio, & promiscua dabitur: imò iustis terminis diuidatur.

Quæst. 16. Quid faciat constantia in reo se defendente? Resp. Constantia orationis: & quia repertus erat qui offerret: quæ omnes animo agitabant: eo vsque potuere vt accusatores eius mulctarentur.

Quæst. 17. An mortuo Primæ in carceribus diuturnis: se excusare possit Princeps, de iudicio non lato? R. Af-  
nius

nus Gallus moritur egestate cibi peremptus : consultusque Cæsar an sepeliri sineret : non erubuit permittere : vltroque inculcare casus , qui reum abstulissent : antequam coram conuinceretur : scilicet medio triennio defuerat tempus subeundi iudicium consulari seni : tot consularium parenti.

Quæst. 18. Persecutor infontium exosusne multitudi-  
ni? Resp. Poena in L. Balbum decernitur à lætantibus : quia Balbus truci eloquentia habebatur promptus aduersus infontes.

Quæst. 19. An in crimine læsæ maiestatis detur libertas indiciato non confesso, vel conuicto? Resp. Epicharis cum indice composita , nullis testibus innixum facile confutauit : sed ipsa in custodia retenta est : suspectante Principe haud falsa esse , & quæ etiam vera non probabantur.

Quæst. 20. Tectum crimen sperare potest : vbi plures sunt complices , & inquisiti? Resp. Frustra silentium , & fidem in tot consciorum animis , & corporibus sperari : Cruciatu , aut præmio cuncta peruia esse.

Quæst. 21. Qui inaudiri , & indefensi moriuntur : an præiudicantur innocentes? Resp. Cingonius Varró , & Petronius Turpillianus Consulares inaudiri , atque indefensi : tanquam innocentes perierunt.

Quæst. 22. Magnis mendacijs an desint testes de visu? Resp. Occisum Othonem vagus primùm , & incertus rumor : mox vt in magnis mendacijs interfuisse se quidam , & vidisse affirmabant.

Quæst. 23. An prosit aliquando reo accusatoris potentia? Resp. Nihil æque reo proderat : quàm nimia potentia accusatoris : dari tempus edi crimina , quamuis inuisum , ac nocentem more tamen audiendum censebant.

Quæst. 24. An humilis protestatio innocentis , iouet apud

apud infensos? Resp. Non defensionis locus, quamvis supplices manus tenderet: humi plerumque stratus, lacera veste, pectus, atque ora singultu quatiens: id ipsum apud infensos incitamentum erat: tanquam nimius pavor conscientiam argueret.

Quæst. 2. Reus si se defendere nequeat, quo aliquando modo euadat? Resp. Africanus neque fateri audebat: neque abnuere poterat: in Vibium Priscum, cuius interrogationibus fatigabatur ultro conuersus: miscendo quæ defendere nequibat societate culpæ inuidiam declinauit.

## CAPVT DECIMVMQVINTVM.

### *De Diuinis, & Anima.*

Quæst. 1. **A**N licita sit de diuinis altercatio? Resp. Mala, & impia consuetudo contra Deos disputandi: siue ex animo id fiat, siue simulatè.

Quæst. 2. An anima rationalis sit intrinsecè mala? Resp. Nemo tantùm à naturali lege desciiuit: & hominem exiit: ut animi causa malus sit.

Quæst. 3. Quis à dijs exauditur? Resp. Vigilando, agendo, bene consulendo prosperè omnia cedunt: ubi socordia te, atque ignauia tradideris: ne quicquam Deos implores.

Quæst. 4. An Tacitus contra Deorum pietatem senserit? Resp. Tacitum malè sensisse in illis verbis. Iustis iudicijs comprobatum est: non esse curæ Dijs securitatem nostram: esse vltionem.

Quæst. 5. Quid peruerterit bonitatem, & simplicitatem naturæ humanæ? Resp. Vetustissimi mortalium nulla adhuc humana libidine, sine probro scelere: eoque sine poena, aut coercitionibus agebant: neque præmijs opus erat:



erat : cum honesta suo pte ingenio peterentur : & vbi nihil contra metum cuperent, nihil per metum vetabatur . At vbi exui æqualitas , & pro modestia , & pudore ambitio, & vis incedebat, prouenire dominationes : multosque apud populos æternum mansere .

Quæst. 6. Quare aduocati mercedem accipere iure optimo possint ? Resp. Si in nullius mercedem negotia tueantur : pauciora fore, nunc inimicitias, accusationes, odia, & iniurias foueri : vt quomodo vis morborum pretia mendicantibus : sic foritabes pecuniam aduocatis ferat . Inopia aduocatorum potentioribus aperit vim oppressionis : & cum eloquentia gratuito non contingat : & curæ familiares omittantur alienis negotijs intento . Sublatis studiorum pretijs etiam studia peritura .

Quæst. 7. An cœlum magna scelera contineat ? Resp. Noctem sideribus illustrem , & placido mari quietam : quasi conuincendum ad scelus dij præbuere .

Quæst. 8. Viri magni licet fidei lumine destituti ante mortem , an de immortalitate animæ sermonem habuerint ? Resp. Thrasea maximè intentus Demetrio Cynicæ institutionis Doctori : cum quo vt coniectare erat , ex intentione vultus : & auditu , si quæ clarius proloquebatur : de natura animæ , & dissociatione spiritus corporisque inquirebat .

## CAPVT DECIMVMSEXTVM.

*De Ministris .*

Quæst. 1. **A**N pauci sint summè exaltandi ? Resp. Vt pauci illustrentur , mundus euertitur : vnus honor orbis excidium est .

Quæst. 2. An Minister debeat ostentare potentiam ?

G Resp.

Resp. Fuit inter irritamenta inuidiæ, domus foro imminens festo ornatu. Seianus excessit equestre fastigium. Omne id, quod communem sortem excedit: æmulationi, inuidiæque aliorum patet.

Quæst. 3. An initio ministerij quilibet se bonum ostendat? Resp. Incipiente potentia, bonis consilijs innotescendum.

Quæst. 4. Quæ foelicitas est facilè mutabilis? Resp. Aulici ad nutum Principis: modò beati, modò miseri, & infoelices fiunt.

Quæst. 5. An Cornelius Tacitus possit argui de crimine læsæ maiestatis, eò quòd arcana status reuclauerit? Resp. Propalauit ea, quæ non ex munere, sed acri ingenio penetrauit.

Quæst. 6. Quis negotijs aptus? Resp. Poppæus Sabinus par negotijs, neque supra erat.

Quæst. 7. An potentum suasionibus mōueri debeamus? Resp. Suasio ab eo, qui iubere potest, vim necessitatis habet.

Quæst. 8. Familiaris Principi an sit infra leges? Resp. Haud minus liberi doloris documentum, idem Piso mox dedit: vocata in ius Vrgulania, quam supra leges amicitia Augustæ extulerat.

Quæst. 9. Cauto Principi, an sat cauta oratio? Resp. Vnde angusta, & lubrica oratio, sub Principe, qui libertatem nictuebat, adulationem oderat.

Quæst. 10. Quæ fuere Seiani initia, & finis? Resp. Initium, & causa pœnes Ælium Seianum cohortibus prætorij præfectum. Genitus Vulfinijs Patre Seio Strabone equite Romano: & prima iuuenta C. Cæsarem Diui Augusti nepotem sectatus: non sine rumore Apicio diuiti, & prodigo stuprum venum dedisse: mox Tiberium varijs artibus

tibus deuinxit adeò : vt obſcurum aduerſus alios , ſibi vni incautum inſectumque efficeret: non tam ſolertia, ( quippe iſſdem artibus victuſeſt ) quam Deum ira in rem Romanam , cuius pari exitio vixit ceciditque.

Quæſt. 11. Quomodo ſe gerunt amici erga Principi exoſum? Reſp. Quidam ſalutatione reddita ſtatim auerti: plerique inceptum ſermonem abruptere: inſiſtentibus contra, iridentibusque qui Seiano fautore aderant.

Quæſt. 12. An Miniſtri ſpectent magis ſuccedentem, quam cadentem Principem? Reſp. Tiberius Macroni exprobrauit, non abdita ambage: Occidentem ab eo deſeri: Orientem ſpectari.

Quæſt. 13. An gratia valida Principis, & extrema ſenectus ſufficienter tueantur miniſtrum in aula? Reſp. Inger quæ præcipuus propugnator eius Vitellius validiſſima gratia, ætate extrema: adeò incerta ſunt potentium res: ac cuſatione corripitur.

Quæſt. 14. Quis exitus inhoneſtus Miniſtris? Reſp. Tigellinus accepto ſupremæ neceſſitatis nuntio: inter ſupra concubinarum, & oſcula, & deformes moras, ſectis nouacula faucibus infamem vitam toedauit, etiam exitu ſero, & inhoneſto.

## CAPVT DECIMVMSEPTIMVM.

*De locis munitis, & regimine Prouinciarum.*

Quæſt. 1. **A**N loca munita, & prouinciæ inacceſſibiles ſint potentioribus concedendæ?

Reſp. Qui imperio inhiant, loca à natura munita ſectantur. Auguſtus inter arcana dominationis, ſepoſuit Ægyptum.

Quæſt. 2. Quid excellentius Duce, vel Rectore prouinciæ?

cia? Resp. Excellentibus ingenijs citius defuerit ars, qua Ciuem regant: quàm qua superent hostem.

Quæst. 3. An Germani propriè regantur? Resp. Nationem illam regebat Verritus, & Maloriges; in quantum Germani regantur.

Quæst. 4. An Germani armis, & fide alijs gentibus cedant? Resp. Nullos mortalium armis, & fide ante Germanos esse.

Quæst. 5. Quo motiuo trahantur contumaces ad obsequium? Resp. Moneant vos vtriusque fortunæ documenta: ne contumaciam cum perniciè: quàm obsequium cum securitate malitis.

Quæst. 6. Fortitudo gentis, & regionis an suspecta regnantibus? Resp. Virtus porro, ac ferocia subiectorum ingrata imperantibus: & longinquitas, ac secretum ipsum quò tutius, eò suspectius.

## CAPVT DECIMVM MOCTAVVM.

### *De Consultatione, & Consiliarijs.*

Quæst. 1. **A**N bonitas consilij desumatur ab exitu? Resp. Omnium rerum incerti sunt exitus: & multa malè consulta, cum aduersarios inconsultiores nacta sunt, felicem euentum habuerunt: & longè plura, quæ rectè prudenterque consulta, & suscepta videbantur, turpiter contrà ceciderunt.

Quæst. 2. Ad quid respiciendum in publica consultatione? Resp. Conuenit eos, qui de Republica consultant: semper totius maiorem, quàm partium curam, & rationem habere. Ut tutela, sic procuratio Reipublicæ ad utilitatem eorum, qui commissi sunt: non ad eorum, quibus commissæ est, geri debet.

Quæst. 3.

**Quæst. 3.** An in consultatione attendenda sit votorum pluralitas? **Resp.** Neque in iudicio plurimorum acquiescentiæ, vt à vero deuies. Sed neque ex multitudine Auctorum, quod melius, & æquius est iudicatote: cum possit vnus forsan, & deterioris sententia & multos, & maiores aliqua in parte superare.

**Quæst. 4.** An Princeps debeat petere consilium? **Resp.** Consilium semper à Sapiente perquire. Da verbum in ore meo, & in corde meo consilium corrobora.

**Quæst. 5.** An consultatio indigeat animo tranquillo? **Resp.** Integris animis iudicandum. Tempus ad integram consultationem necessarium.

**Quæst. 6.** Quæ sit anima consilij? **Resp.** Optimum, & tutissimum rerum administrandarum vinculum taciturnitas est.

**Quæst. 7.** Consulenti res arduas an aduersa sint respicienda? **Resp.** Nulli mortalium Deus certam futurorum notitiam dedit: nec post homines natos inuenias quemquam, cui ex animi sententia omnia successerint: ita vt nulla in re ei sit aduersata.

**Quæst. 8.** An Princeps indigeat consilio? **Resp.** Ego ita comperi regna, ciuitates, nationes eousque prosperum imperium habuisse: dum apud eos vera consilia valuerunt: vbi, cumque gratia, timor, voluptas ea corrumpere: paulò post imminutæ opes: deinde ademptum imperium, postremò seruitus imposita est.

**Quæst. 9.** Euentusne? an ratio, & causa consideranda? **Resp.** Vt non modò casus, euentusque rerum, qui plerumque fortuiti sunt: sed ratio etiam causæ que noscantur. Sæpè praua magis, quàm bona consilia prosperè eueniunt: quia pleræque res fortuna ex libidine sua agitat.

**Quæst. 10.** Qui maxime adstantiant prauo consilio?  
**Resp.**

Resp. Facilem adſenſum Gallo ſub nominibus honeſtis conſeſſio vitorum, & ſimilitudo audientiam dedit.

Quæſt. 11. An bonum conſilium à reprobo auctore acceptandum ſit? Resp. At Antiocho non tam conſilium, quàm auctor diſplicebat.

Quæſt. 12. An faciliùs conſulamur, quàm conſultum exequamur? Resp. Conſilium ab omnibus datur: ſed periculum pauci ſumunt.

Quæſt. 13. An hominis puſillanimi conſilia ſint bona? Resp. Pauidis conſilia in incerto ſunt.

Quæſt. 14. An Princeps ſuum primò ſenſum in conſilio promere debeat? Resp. Exemit Druſum Conſulem deſignatum dicendæ primo loco ſententiæ: quod alij ciuile rebantur: ne cœteris adſentiendi neceſſitas fieret.

Quæſt. 15. An terrefacto Senatu bona conſilia expectari poſſint? Resp. Neque Senatus in eo cura, an extrema Imperij dehoneſtarentur: pauor internus occupauerat animos, cui remedium adulatione quærebat.

Quæſt. 16. Qui factum admittit, an eidem iure adſentiat? Resp. Scipio ſententiam rogatus de admiſſis Poppææ, inquit: Cùm idem ſentiam quod omnes: putate me idem dicere quod omnes.

Quæſt. 17. An aliqui aduerſentur omnibus conſilijs aliorum licet bonis? Resp. Laco conſilij quamuis egregij, quod non ipſe afferret inimicus: & aduerſus peritos peruicax.

Quæſt. 18. Sine viribus an conſilium ſufficiat? Resp. Militum virtus expectatur: apud quos omne honeſti conſilij robur: & ſine quibus quamuis egregia inualida ſunt.

Quæſt. 19. An non etiam in conſilijs eſt ſua inſœlicitas? Resp. Plures tantùm aliorum ſententijs contradicere: vſque euenit in conſilijs inſœlicibus, vt optima viderentur, quorum tempus effugerat.

Quæſt. 20.

Quæst. 20. Sine iudicio an sufficiat causæ honestas ? Resp. Sæpè honestas rerum causas, ni iudicium adhibeas, perniciosi exitus consequuntur.

Quæst. 21. An melius sit tardum esse, quàm properum in consilio ? Resp. Suetonius Paulinus cunctator natura, & cui cauta potiùs consilia, cum ratione: quàm prospera ex casu placerent.

Quæst. 22. Qui de re magna consulit, quid debeat considerare ? Resp. Omnes, qui magnarum rerum consilia suscipiunt: æstimare debent: an quod inchoatur Reipublicæ vtile, ipsis gloriosum, aut promptum effectu, aut certe non arduum sit.

Quæst. 23. Qui suadet quomodo considerandus ? Resp. Qui suadet considerandus est, adijciatne consilio periculum suum: & si fortuna ceptis affuerit, cui summum decus acquiratur.

Quæst. 24. An hostium legati reiiciendi sint ? Resp. Admittendi sunt, sed primo quoque tempore dimittendi, non data occasione de inhospitalitate conquerendi.

Quæst. 25. An missio legati sit facienda personæ gratæ ad quem mittitur ? Resp. Placuit igitur Oratorem ad plebem mitti, Mennenium Agrippam facundum virum: & quod inde oriundus erat plebi carum.

## CAPVT DECIMVMNONVM.

*De Coniugijs.*

Quæst. 1. **A**N in ineundis consanguinitatibus auita Nobilitas sit attendenda ? Resp. Augustus in collocanda filia non nihil de Equitibus Romanis consultauit.

Quæst. 2. An Nobilitas auita, & initi matrimonij decus,

56 *IOCI POLITICI*

cus, reddat hominem gloriæ avidum? Resp. Sed præter paternos spiritus, vxoris quoque Plancinæ nobilitate acce-  
debat.

Quæst. 3. An tutum sit coniugium, quod pluribus an-  
nis tenet distantem maritum? Resp. Simul sexum natura  
inualidum deferi, & exponi suo luxu cupidinibus alienis:  
vix præsentis custodia manere illæsa conugia: quid fore si  
per plures annos in modum dissidij obliterentur.

Quæst. 4. Quàm sint Nobiles familiæ fecundæ bono-  
rum Ciuum? Resp. Obijt Manlius Lepidus, de cuius mô-  
deratione, atque sapientia, in prioribus libris satis collo-  
caui: neque Nobilitas diutiùs demonstranda: quippe Æmi-  
lium genus fecundum bonorum ciuium: & qui eadem  
familia corruptis moribus, illustri tamen fortuna egere.

Quæst. 5. An cauere debeat Princeps, ne fœmina regię  
stirpis in alienas familias transeat? Resp. Cauendum ne  
fœmina expertæ fecunditatis: integra iuuenta, claritudi-  
nem Cæsaris aliam in domum ferret.

Quæst. 6. Incestuosæ nuptiæ an in Regibus laudandæ?  
Resp. Pactum inter Claudium, & Agrippinam matrimo-  
nium, iam fama, iam amore illicito firmabatur: necdum  
celebrare solemnia nuptiarum audebant: nullo exemplo  
deductæ in domum Patru fratris filiæ.

Quæst. 7. Quæ consideranda sint in maritando Princi-  
pe? Resp. Quando maritandum Principem cuncti suade-  
rent: deligi oportere fœminam Nobilitate, Puerperijs, San-  
ctimonia insignem.

Quæst. 8. An vir aliam fœminam laudare in præsentia  
propriæ vxoris debeat? Resp. Calpurnia illustris fœmina  
peruertitur: quia formam eius laudauerat Princeps: nul-  
la libidine, sed fortuito sermone: ynde vis Agrippinæ ci-  
tra vltima stetit.

Quæst. 9.



## CAPVT VIGESIMVM. 37

Quæst. 9. An præualeant sæpè illicita in matrimoniis? Resp. Nero vxore ab Octauia nobili quidem, & probitatis spectatæ fato quodam, an quia præualent illicita abhorrebat.

Quæst. 10. Quid obtinuit Otho ex laudata vxore apud Principem? Resp. Deijcitur familiaritate sueta, post congressu, & comitatu Otho: & postremò ne in vrbe æmulatus ageret: prouinciæ Lusitaniz præficitur.

Quæst. 11. Quòd est firmitus imperij munimentum? Resp. Non legiones, non classes perinde firma imperij munimenta: quàm numerum liberorum.

## CAPVT VIGESIMVM.

### • De Beneficijs.

Quæst. 1. **A**N beneficia semper sint accepta? Resp. Vincula charitatis apud concordēs: sunt incitamenta irarum apud infensos.

Quæst. 2. An diuersa sit ratio Principis, & priuati in beneficijs datis, vel receptis? Resp. Magnanimi vilius libenter meminisse solent: quos beneficio affecerint: à quibus autem acceperint non item.

Quæst. 3. An alienis bonis amici gratificandi? Resp. Turpe alijs gratificari per dedecus.

Quæst. 4. An sceleris via, sit amicitiz vinculum? Resp. Leuis post admissum scelus gratia, deinde grauus odium. Proditores etiam ijs, quos anteponunt inuisi sunt.

Quæst. 5. Quod est amici munus erga defunctum? Resp. Non hoc præcipuum amicorū munus est prosequi defunctū ignauo quæstu: sed quæ voluerit meminisse, quæ mandauerit exequi. Flebunt Germanicum etiam ignotum vindicant itis vos, si me potius, quàm fortunam meam fouebatis.

H

Quæst. 6.

58 *IOCI POLITICI*

Quæst. 6. An honor datus à Principe, suppleat defectum ministri illum non tribuentis? Resp. Ruffo Cæsar addidit ciuicam coronam: quòd non eam quoque Apro-  
nius iure proconsulis tribuisset: questus magis, quàm of-  
fensus.

Quæst. 7. An vetusta Nobilitas obscureretur: quando Prin-  
ceps viles, & abiectorum natalium nobilitat? Resp. Ma-  
tios posthac, & Vedios, & cætera equitum Romanorum  
præualida nomina referre nihil attinuerit: cùm Claudius  
libertos, quos rei familiari præfecerat: sibi que & legibus  
adæquauerat.

Quæst. 8. Omissio vectigalium an populis grata? Resp.  
Dubitauit Nero an cuncta vectigalia omitti iuberet: idque  
pulcherrimum donum generi mortalium daret.

Quæst. 9. An amicus in paranda sibi gloria, amici infamiam vitare debeat? Resp. Non est sapienti viro decorum,  
vnde amico infamiam parat: inde gloriam sibi recipere.

Quæst. 10. Qui valdè metuit, an sit largus in promissis?  
Resp. Vitellius non deerat vultu, voce, lachrymis miseri-  
cordiam elicere: largus promissis, & quæ natura trepidan-  
tium est immodicus.

## CAPVT VIGESIMVM PRIMVM.

*De Hominum affectibus.*

Quæst. 1. **A**N fraterna odia sint periculosa, & conciliabilia? Resp. Magnas oportet esse cau-  
sas, quæ magnam beneuolentiam, & amicitiam dissipent:  
& reconciliatio semper cicatricem sordidam, & latente  
malo infectam retinet.

Quæst. 2. An æqui homines sint executores, sicut pro-  
missores? Resp. Humanæ conditionis quadam imbecilli-  
tate

tate fit, vt etiam viri magni, & graues, sæpè numero promptiores in promittendo sint, ac minando, quàm postea perficere possint. Verè enim cupressis similia sunt talia. promittentium verba: quæ sublimes cùm sint, ac pulchræ, & procul egregium quicquam polliceri videantur: vbi propè accesseris tructum non habent. Elusius à Seiano per vana promissa.

Quæst. 3. Quæ est factionum fomes? Resp. Metus, & Inuidia.

Quæst. 4. An adulatio obesse possit? Resp. Adulatio moribus corruptis perinde anceps si nulla, & vbi nimia est.

Quæst. 5. An modestia sit comes magnæ fortunæ? Resp. Commune humanæ fragilitatis malum: contemptor ille animus est, & superbus: vt nihil tam solidum, tam leue, atque inane sit, quod non illico in secunda fortuna supra cæteros extollat.

Quæst. 6. Quid contra dicendum de Romanis? Resp. Romanorum animi, neque secundis efferri: neque minui aduersis.

Quæst. 7. An homines sint propensi ad odium? Resp. Sic est inter homines comparatum, vt facile suscipiant inimicitias: neque respiciunt ad eum, qui comitari plerumque solet tristem, & luctuosum exitum. Tanta est in animis hominum cupiditas vlciscendi, vt in omnes temporum occasiones excubent: eaque oblata occultatam diu iram effundant.

Quæst. 8. An homines sequantur fortunatum? Resp. Ruunt in seruitium Patres, Consules, Equites.

Quæst. 9. An in tenebris faciliùs aperiantur secreta? Resp. Pronior in tenebris affirmatio.

Quæst. 10. An aliquorum ingenium, aliorum malo nutriatur? Resp. Celebre Trionis ingenium inter acculato-

res auidum famæ malæ : Domitius Afer quoquo crimine clarescere properus.

Quæst. 11. An facilius corrigamus, quàm corrigamur?

Resp. Longè proclivius est alios reprehendere, quàm sibi ipsi moderari: facillimèque fit, ut quarum causa homines poena dignos alios iudicant: has easdem ipsi admittant.

Quæst. 12. An humani conceptus sint fallibiles? Resp.

Facillimo momento mutantur animi hominum: usuque venit, ut à quibus se adiutum, vel læsum iri quis existimet: eos longè alios experiatur.

Quæst. 13. De quibus homines sincerè loquantur?

Resp. Maximè solitum prodere de his, quos mors odio, aut gratia exemit.

Quæst. 14. Quo habitu simuletur? Resp. Simulatio habitum, ac voces dolentium induit.

Quæst. 15. Quæ est simulationis, & deceptionis nota?

Resp. Affectatio persuasionis. Semper insitum homini, quantò magis falsa sunt quæ fiunt, tanto plura facere.

Quæst. 16. Plus ne offendimus si multum spei subtra-

hamus, vel parum rei auferamus? Resp. Omnes iniquiore animo ferunt: si rebus concessis priuentur: quàm si rebus speratis frustrantur.

Quæst. 17. A quibus magis metuere an à fortibus, vel ti-

midis debeamus? Resp. Omne timidum ad cædes, & scelera primum, & promptum fertur.

Quæst. 18. Quomodo in amicitijs nos continere debeamus?

Resp. Ita homines in usu amicitie versari iubentur: ut meminerint, eam ad grauissimas inimicitias posse conuertere.

Quæst. 19. Quod est tempus climatericum imperio-

rum, vel rerumpublicarum? Resp. Annus quingentesimus: plerumque enim observatum est, eo vel corruisse,

vel

vel magnam alterationem sustinuisse.

Quæst. 20. Quæ sit natura superbiorum? Resp. Ruffus aduersus superiores tristi adulatione, minoribus arrogans, paribus difficilis: consulare imperium; triumphî insignia, & mox Atricam obtinuit.

Quæst. 21. An Senem deferant vitia? Resp. Iam Tiberium corpus, iam vires: nondum dissimulatio deferbat.

Quæst. 22. Adulatio nouum ne malum? Resp. Quorum autoritates, & adulationes retuli: vt sciretur vetus id in Republica malum.

Quæst. 23. Libertas dicendi an finaliter contradicção odiosa? Resp. Libertas loquendi, & fides in præsentia, quibus resistit offendit, deinde illis ipsas suspicitur, laudaturque.

Quæst. 24. Seniores an iunioribus faciliè pareant? Resp. Non aliam ob causam, quàm quia fratris filio iuueni Patruus senex parere dedignabatur.

Quæst. 25. An sit facilis aliorum censura? Resp. Res gestas taxat, & facillimum cuius: at res egregias gerere perdifficile, paucisque datum.

Quæst. 26. Ad ardua quibus homines impellantur? Resp. Nihil non aggressuros homines, si magnis conatibus magna præmia proponantur.

Quæst. 27. Quantum augeat morborum apprehensio veneni hausti? Resp. Sæuam vim morbi augebat persuasio veneni à Pisone accepti.

Quæst. 28. Vetera ne an recentia, magis consideramus? Resp. Vetera extollimus recentium incuriosi.

Quæst. 29. In periculo Reipublicæ qui mœreant, qui lætentur? Resp. Optimus quisque Reipublicæ cura mœret: multi odio præsentium, & cupidine mutationis suis quoque periculis lætabantur.

Quæst. 30.

62 *IOCI POLITICI*

*Quæst.* 30. Volens arctam simulare amicitiam, quos sermones introducat? *Resp.* Sermones vetita miscentes speciem arctæ amicitiae faciunt.

*Quæst.* 31. Qui solo metu tenentur, an facile, & quando deficient? *Resp.* Qui metu magis, quam benevolentia subiecti, repertis auctoribus sustulerant animum.

*Quæst.* 32. An Roma faciat urbanos homines? *Resp.* Tiridatis ingenium come, Romanas per artes sperabant.

*Quæst.* 33. An Seneca fuerit suarum litterarum ostentator? *Resp.* Nero clementiam suam crebris orationibus obstrinxit, quas Seneca testificando, quam honesta præciperet: vel iactandi ingenij voce Principis vulgabat.

*Quæst.* 34. Pavidis ingenijs, & litigiosis, an audacter respondendo vis inferatur? *Resp.* A. Vitellius optimum iurgio laceffens, & respondenti reticens, ut pavidæ ingenia solent.

*Quæst.* 35. An pauperes sint audaces? *Resp.* Syllam inopem, unde præcipuam audaciam: & simulatorem segnitiae, dum temeritati locum reperiret.

*Quæst.* 36. An obscuris facile assentiamur? *Resp.* Cupidine humani ingenij libentiùs obscura credi.

*Quæst.* 37. Homines an magis præsentia æstiment? *Resp.* Anteposuerunt quoque cæteri Tribuni, & Centuriones præsentia dubijs, & honestis.

*Quæst.* 38. Ignavi an se verbis faciant feroces? *Resp.* Ignavissimus quisque, & ut res docuit in periculo non ausurus: nimij verbis, linguæ feroces.

*Quæst.* 39. Quando silentium? *Resp.* Non tumultus, non quies quale magni metus, & magnæ iræ silentium est.

*Quæst.* 40. An criminari sit facile? *Resp.* Licinius Proculus cuique criminando, quod facillimum factum est: pravius, & callidus bonos, & modestos anteibat.

*Quæst.* 41.

Quæst. 41. An in homine affectus inuidiæ sit naturalis?

Resp. Inſita mortalibus natura recentem aliorum felicitàtem ægris oculis introſpicere: modumque fortunæ à nullis magis exigere, quàm quos in æquo vident.

Quæſt. 42. Quis clarus eſt apud timentem? Resp. Satis clarus eſt apud timentem, quiſquiſtimetur.

Quæſt. 43. An faciliùs hominum, quàm morum mutatio contingat? Resp. Succedere Mucianus, & Marcellus, & magis alij homines, quàm alij mores.

Quæſt. 44. An ſpes vitæ infringat magnos animos? Resp. Non ſefellit Ciuilem ea inclinatio, & præuenire ſtatuit, ſuper tædium malorum, etiam ſpe vitæ: quæ plerumque magnos animos infringit.

Quæſt. 45. Qui ante euentum cauti, an poſt eum inſoleſcant? Resp. Illi modò cauti, & ſapientes: prompti poſt euentum, & magniloqui erant: iniquiſſima hæc bellorum conditio, proſpera omnes ſibi vendicant: aduerſa vni imputantur.

Quæſt. 46. An ignota valdè æſtimentur? Resp. Omne ignotum pro magnifico eſt.

Quæſt. 47. Quid eſt proprium humani ingenij? Resp. Proprium humani ingenij eſt, odiſſe quem læſeris.

Quæſt. 48. An inter pocula omnes ſint milites? Resp. In omnibus circulis, ac ſi Dijs placet, etiam in conuiujs ſunt qui exercitus in Macedoniam ducant, vbi caſtra locanda ſint, loca præſidijs occupanda: quando, & quo ſalutū intranda Macedonia.

Quæſt. 49. An aliqui repentinis magis, quàm meditationis apti? Resp. Tiberius repentinis reſponſionibus melior, quàm meditationis.

## CAPVT VIGESIMVMSECVNDVM.

*De Libidine dominandi, & ratione Status.*

Quæst. 1. **A**N Libido dominandi, motiuo rationis coerceatur? Resp. Nulla sunt vel naturæ, vel amicitæ, aut beneficentiæ satis firma vincula: vbi maiestatis, & imperandi furiosum desiderium inuaserit: hoc omnia facillimè prosternuntur, & conculcantur. Cupido dominandi omni affectu flagrantior.

Quæst. 2. An arrepta dominatione desint ministri? Resp. Primæ dominandi ipse in arduo: vbi sis ingressus adsunt studia ministri.

Quæst. 3. Præstatne amor authoritati in dominatione? Resp. Præstat authoritas, & initio, & progressu: quia authoritate multi imperium adepti: & illud stabilius quàm amore, qui mutabilior est tutati sunt.

Quæst. 4. Quid in mota seditione agendum? Resp. Nullum aliud gliscentis discordiæ remedium: quàm si vnus alterue maximè prompti subuertantur. Vt mare sua natura tranquillum ventorum vi agitur: sic populus sua sponte placatus, hominum seditiosorum vocibus, vt violentissimis tempestatibus attollitur: quibus oppressis ipsum vulgus pauidum, & focors redditur.

Quæst. 5. Quid agere debeant proximè ad regnum succelsuri? Resp. Cum primis verò spes suas occultè, & in sinu foueant: ne incauta, & immatura iactatione aliquid ad regnum obtinendum moliri videantur.

Quæst. 6. An imperium malis artibus quæsitum bonis conseruari soleat? Resp. Impossibile quodammodo est: vt qui fraude, vi, aut largitionibus potentiam sibi quæsiuit: eam postmodum iusticia, clementia, atque alijs



alijs bonis artibus tueatur .

Quæst. 7. Quodnam ius proprium sit Gallorum? Resp. Quærentibus Romanis quodnam illud ius esset agrum à possessoribus petere, aut minari arma: ecquid in Hetruria rei Galli esset. Respondent Galli ferociter: se in armis ius ferre, & omnia virorum fortium esse.

Quæst. 8. Quid cum iuvene in vrbe lasciuiente agendum sit? Resp. Nec multò pòst Drusus in Illyricum missus est, vt suæceret militiæ, studiaque exercitus pararet: simul inuenem urbano luxu lasciuientem melius in castris haberi Tiberius, seque tutiorem rebatur, vtroque filio legiones obtinente.

Quæst. 9. An non præstans opem auxilium implorare possit? Resp. Responsum est, non iure eum aduersus Cheruscos arma Romana inuocare: qui pugnantes in eundem hostem Romanos nulla ope iuuisset.

Quæst. 10. An omnium regiminum perfectius sit Monarchicum? Resp. Vnum Reipublicæ corpus vnus animo regendum. Sallustius monuit ne Tiberius vim principatus resolveret cuncta ad Senatum vocando: non aliter imperium constare, quàm si ratio vni reddatur.

Quæst. 11. Rebellibus quomodo, & quando resistendum? Resp. Subditorum rebellionem, antequam confirmetur, est primo quoque tempore obuiam eundum. Omne malum nascens facile opprimitur: inueteratum fuit plerumque robustius.

Quæst. 12. Quando agitur de Principe, & Lege quid præualeat? Resp. Lætabatur Tiberius cum inter filios eius, & Leges Senatus disceptaret: victa est sine dubio Lex. sed neque statim & paucis suffragijs: quomodo cum etiam leges valerent vincebantur.

Quæst. 13. Quid nouiter inducta in externos dominatione

tione agendum sit? Resp. Cappadoces in formam Prouinciæ redacti, **Q** Veranium Legarum acceperunt: & quædam ex regijs tributis diminuta, quo mitius Romanum imperium speraretur.

**Q**uest. 14. Mali viri in malam regionem abdicandine vt cœli iniuria pereant? Resp. Patrum consultum, vt quatuor millia libertini generis, ea superstitione infecta, queis idonea ætas, in Insulam Sardiniam veherentur: coercendis illic latrocinijs etsi ob grauitatem cœli interijssent, vile damnum.

**Q**uest. 15. Ad Regnum capiendum conducaturne aura popularis? Resp. Arminius abscedentibus Romanis, & pulso Maroboduo regnum adfectans libertatem popularium aduersam habuit.

**Q**uest. 16. An magis Principum, quàm Reipublicæ cura habenda sit? Resp. Principes mortales, Rempublicam æternam esse.

**Q**uest. 17. An Princeps domestica mala operiri sinat? Resp. Cæsar per tormenta interrogari passus non est: de his, quæ ad domum suam pertinerent.

**Q**uest. 18. Coniurationes Princeps, an primò, vel vltimò aperire debeat? Resp. Tum demum aperuit Tiberius comperitum sibi etiam ex P. Quirinij seruis, veneno cum à Lepida petitum.

**Q**uest. 19. An præstet bellum, miseræ paci? Resp. Misera pax, bello benè mutatur.

**Q**uest. 20. An Princeps debeat personaliter occurrere rebellionibus non propinquæ? Resp. Tiberius causas cur non ipse, non Drusus profecti ad id bellum forent, adiunxit magnitudinem imperij extollens: non decorum Principibus si vna alteraue Ciuitas turbet: omitta Vrbe vnde in omnia regimen.

**Q**uest. 21.

Quæst. 21. Princeps antequam coerceat abusus, quæ præconsiderare debeat? Resp. Tiberius sæpè apud se pensator, an coerceri tam profusæ libidines possent: num. coercitio plus damni in Rempublicam posset, quàm indecorum atrectare, quod non obtineretur, vel retentum, infamiam, & ignominiam virorum illustrium posceret.

Quæst. 22. Quomodo Potentes pacem petant? Resp. Antequam arma inciperent misere legatos, amicitiam, obsequiumque memoraturos, & mansuræ hæc: si nullo nouo onere tentarentur: sin vt victis seruitium indiceretur: esse sibi ferrum, & iuuentutem, & promptum libertati, aut ad mortem animum.

Quæst. 23. An liceat priuato ferre iudicium de causis Principem mouentibus in alicuius exaltatione? Resp. Non est nostrum æstimare, quem supra cæteros, & quibus de causis extollat Abditos Principis sensus, & si quid occultus parat illicitum exquirere.

Quæst. 24. An foemina iure de læsa maiestate teneri possit? Resp. Ne foeminæ quidem exfortes periculi: quæ occupandæ Reipublicæ argui non poterant, ob lachrymas incubabantur.

Quæst. 25. Fides integrè quando seruanda? Resp. Sibi fidem integram, & si nullis insidijs peteretur mansuam.

Quæst. 26. Quod ex dominijs est propius libertati? Resp. Populi imperium iuxta libertatem: paucorum dominatio regiæ libidini propior est.

Quæst. 27. An animo scelerati maior sit dominandi, quàm honoris cura? Resp. Macro uxorem suam Enniam immisit amore iuuenem illicere: pactoque matrimonij vincire nihil abnuentem, dum dominationem adipisceretur.

Quæst. 28. Quid agant ad regnum successuri iacta imperij

perij alea? Resp. Cæsar audito Tiberium vocem reassumere, & alimenta petere: in silentium fixus, à summa spe, nouissima expectabat. Macro intrepidus opprimi senem iniectu multæ vestis iubet, & discedere à limine.

Quæst. 29. Rex in initio principatus quantum debeat cauere ab atrocitate? Resp. Cuncta in Mitridatem fluxere atrociolem, quàm nouo regno conduceret.

Quæst. 30. Quo medio Romulus aduersos populos conciliauerit, & imperium auxerit? Resp. Conditor noster Romulus tantum sapientia valuit: vt plerosque populos eadem die hostes, & Ciues habuerit.

Quæst. 31. An semel reprobatus, debeat reassumi? Resp. Improbatus longo dissidio, ac si rursus assumeretur, eo ipso superbus.

Quæst. 32. An libido dominandi peruertat pudicitiam foeminarum? Resp. Agrippinæ domi nihil impudicum, nisi dominationi expediret: cupido auri immensa obtentum habebat, quasi subsidium regno pararetur.

Quæst. 33. An ius sanguinis inferius sit, iure status? Resp. Illi cupido regni fratre, & filia potior, animusque sceleribus paratus.

Quæst. 34. An magnis resolutionibus insit aliquid iniquitatis? Resp. Habet aliquid ex iniquo omne magnum exemplum: quod contra singulos vtilitate publica rependitur.

Quæst. 35. Præferendum ne bellum anceps, paci inhonestæ? Resp. Nero inter primores Ciuitatis consuluit, bellum anceps, an pax inhonesta placeret: nec dubitatum de bello.

Quæst. 36. Quid valeat apud bonos Scatistas? Resp. Scilicet externæ superbix sueto, non erat notitia nostri, apud quos vis imperij valet: inania transmittuntur.

Quæst. 37.

Quæst. 37. An Senecam inuaserit, libido summæ dominationis? Resp. Neque ignorante Seneca destinabatur: vt post occisum opera Pisonis Neronem: Piso quoque interficeretur: tradereturque Imperium Senecæ quasi infonti claritudine virtutum ad summum fastigium delecto.

Quæst. 38. Homines quomodo regendi? Resp. Imperaturus es hominibus, qui nec totam libertatem pati possunt, nec totam seruitutem.

Quæst. 39. Vt quis Principatum obtineat, an seruiliter agat? Resp. Nec deerat Otho protendens manus, adorare vulgum, iacere oscula: & omnia seruiliter agere ad dominationem.

Quæst. 40. Ad conseruandam in fide multitudinem, quæ ratio optima est? Resp. Neque perire nos, neque saluos esse nisi vna posse.

Quæst. 41. Principum insectatores ad fauorem successoris, ab ipso successore an persecutionem patiantur? Resp. Non illos Capitolij aspectus, & imminentium templorum religio: & priores, & futuri Principes terruere, quominus facerent scelus, cuius ultor est, quisquis successit. Vitellius postea inuenit, omnesque conquiri, & interfici iussit: non honore Galbæ: sed tradito Principibus munimentum ad præsens, in posterum ultionem.

Quæst. 42. In discordia ciuili Metropolis, & Senatus, pro parte qua stant, faciuntne momentum? Resp. Sed erat magnum momentum in nomine Urbis, & prætextu Senatus.

Quæst. 43. An Victores victis fidere debeant? Resp. Victores, victosque nunquam solida fide coalescere.

Quæst. 44. Qui dubitarunt de fide Principis: an meliorem bello, an pace causam habeant? Resp. Sed meliorem  
in

in bello causam, quàm in pace habemus: nam qui deliberrant descuerunt. In eiusmodi consilium periculosius esse deprehendi, quàm audere.

Quæst. 45. An amici sint imperij instrumentum? Resp. Admoneri debet Princeps quos probet, quos reformidet: nullum maius boni imperij instrumentum, quàm bonos amicos.

Quæst. 46. Inchoantibus imperium quid vtile? Resp. Inchoantibus imperium, vtilis clementiæ fama.

Quæst. 47. Populo in plures partes scisso, an forti præbeat occasionem summam rerum prosequendi? Resp. Libertatem natura etiam multis animalibus datam: virtutem proprium hominis bonum: Deos fortioribus adesse: proinde arriperent vacuè occupatos, integri fessos: dum alij Vespasianum, alij Vitellium foueant, patere locum aduersus vtrumque.

Quæst. 48. An Primores gentis aduersæ retinendi in occasionem, & excipiendi? Resp. Agricola expulsum seditione domestica vnum ex regulis gentis exceperat; ac specie amicitiae in occasionem retinebat.

Quæst. 49. An metus, & terror sint firma vincula? Resp. Metus, & terror infirma vincula charitatis: quæ vbi remoueris: qui timere desierint, odisse incipient.

## CAPVT VIGESIMVM TERTIVM.

### *De Augurijs, & alijs naturalibus.*

Quæst. 1. **A**N auguria attendenda sint? Resp. Defecti in multitudine consiliorum tuorum: saluent te augures cœli, qui contemplabantur sidera, & supputabant mentes: vt ex eis annunciarent ventura sibi: ecce facti sunt sicut stipula: ignis combussit eos. Aruspex, Ariolus,

Ariolus, & Augur abominatio est Deo :

Quæst. 2. An ex facie possit elici natura humana? Resp. Agnitio vultus eorum, respondet eis. In facie prudentis luccet sapientia. Ex visu cognoscitur vir, & ab occurfu faciei cognoscitur sensatus: amictus corporis, dentium risus, & incessus hominis enunciant de illo.

Quæst. 3. An liceat euentus politicos ex fideribus aucupari? Resp. Chaldæi leuibus, atque ineptis ingenijs, fiderum fallaci interpretatione quæstuosam mendacijs suis caliginem iniiciunt.

Quæst. 4. Quod est tempus Climactericum Imperiorum, vel rerumpublicarum? Resp. Annus quingentesimus: plerumque enim obseruatum est eo, vel corruisse, vel magnam alterationem sustinuisse.

Quæst. 5. An Principis sit, gloriam quærere ex fortuitis? Resp. Cuncta Tiberius etiam fortuita ad gloriam vertebat.

Quæst. 6. An multos extollat morum facilitas? Resp. Cassius facilitate sæpius, quàm industria commendabatur.

Quæst. 7. An quis intreat barbaro victu, si Romano assuetus sit? Resp. Phrahates apud Syriam, dum omisso cultu Romano, cui per tot annos insueuerat: instituta Parthorum resumit: patrijs moribus impar morbo absumptus est.

Quæst. 8. An Tiberius fuerit futurorum diuinator? Resp. Caio Cæsari orto sermone L. Sullam irridenti: omnia Sullæ vitia, & nullam eiusdem virtutem habiturum prædixit: simul crebris cum lachrymis minorem ex nepotibus complexus truci alterius vultu: Occides hunc tu inquit, & te alius. Et Galbæ dixit: Et tu Galba aliquando imperium degustabis.

Quæst. 9. Fortuita an consideranda? Resp. Obseruatum id an-

id antiquitus comitijs dirimendis non terruit Galbam ; quo minus in castra pergeret : contemptorem talium ut fo ruitorum : seu quæ factò manent, quamuis significata non vitantur.

*Quæst. 10.* Quod genus hominum sint Mathematici? *Resp.* Genus hominum potentibus infidum, sperantibus fallax : quod in Ciuitate nostra & vetabitur semper, & retinebitur.

*Quæst. 11.* An sit merè fabulosum dari aues prænuncias funeum ? *Resp.* Ut conquirere fabulosa, & fictis oblectare legentium animos procul grauitate crediderim : ita vulgatis, traditisque demere fidem non ausim. Die quo Bedriaci certabatur, auem inusitata specie apud Regium Lepidum celebri luce confedissee incolæ memorant. Nec deinde cætu hominum aut circumuolitantium alitum, territam, pulsamue, donec se Otho interficeret: tum ablatam ex oculis, & tempora reputantibus initium finemque miraculi : cum Othonis exitu comperisse.

## CAPVT VIGESIMVMQVARTVM.

### *De Rebus Militaribus.*

*Quæst. 1.* **A**N dimicatio generalis, à Duce sit incunda sine necessitate ? *Resp.* Sapientissimum est collatis signis, nisi summa necessitudo, aut summa occasio data sit, nunquam decertandum esse.

*Quæst. 2.* In magna inuasiõne quid agendum? *Resp.* Labore, & diligentia tanta vis intra vnum damnum sistitur.

*Quæst. 3.* An in Duce belli bonitas sit commendabilis? *Resp.* Non posse quemquam eodem tempore, & bonum virum, & bonum Ducem agere.

*Quæst. 4.* Ad quid principaliter utamur propugnaculis?



lis? Resp. Leui præsidio ingentes exercitus coercentur.

Quæst. 5. An in bellis dominetur Inuidia, & Ambitio?

Resp. Nimirum vbique dominatur inuidia, & ambitio, in bellis autem maxime: ac sæpè numero fit, vt dum alter in alterius gratiam nihil vult suscipere molestiæ, omittantur præclarissimæ rerum gerendarum occasiones: & aduersarij hoc ipsum deinde in vsum suum vertant.

Quæst. 6. An præpotens exterorum auxilium acceptandum sit? Resp. Merito cauendum omnibus Principibus est: & exempla veterum pro documentis habenda: ne ita externis credant auxilijs, vt non plus sui roboris, suarumque propè virium in castris habeant.

Quæst. 7. An Respublica si in se diuisa sit, facilius opprimatur? Resp. Propinquantibus Romanis, bellum externum concordiam peperit.

Quæst. 8. Disciplina militaris à quonam potissimum pendeat? Resp. Corbulonem intentum, & magnis delictis mexorabilem scias: cui tantum asperitatis etiam aduersus leuia credebatur.

Quæst. 9. Celer executio an arguat animi magnitudinem? Resp. Barbaris cunctatio seruilis, statim exequi regium videtur.

Quæst. 10. Quis sit verus miles? Resp. Ac sanè quod difficillimum in primis est: & prælio strenuus erat, & bonus consilio.

Quæst. 11. Vbi pugna ferox succedit? Resp. Hostem à tergo palus, Romanos flumen, aut montes claudabant: vtrisque necessitas in loco: spes in virtute, salus in victoria.

Quæst. 12. An capiendus, an potius delendus sit hostis? Resp. Germanicus orabat, insisterent cæditus, nil opus capitiuis, solam internecionem gentis finem bello fore.

Quæst. 13. An Dux belli posito victoriæ trophæo suam

K laudem

laudem debeat reticere? Resp. De se nihil addidit metu invidiæ, an ratus conscientiam facti satis esse.

Quæst. 14. Fortitudo animi in aduersis quantis sit momenti? Resp. Quippè inuictos, & nullis casibus superabiles Romanos prædicebant: qui perdita classe, amissis armis, post constricta equorum, virorumque corporibus littora: eadem virtute, pari ferocia, & veluti aucti numero irruissent.

Quæst. 15. Gloriæ belli Ducis ad speciem honorem deferendo solentne Principes insidiari? Resp. Præsentè Germanico annum efficiendis cæptis, acriùs modestiam eius aggreditur, alterum Consulatum offerendo.

Quæst. 16. Parerene debeat Dux mandato Principis in suæ gloriæ detractionem? Resp. Haud cunctatus est vltra Germanicus, quamquam fingi ea, seque per inuidiam partiam decori abstrahi intelligeret.

Quæst. 17. Quid Generalis exercitui dicere debeat? Resp. Vobis arma, & animus sit: mihi vestræ virtutis consilium, & regimen relinquit.

Quæst. 18. Generalis quando festinare debeat ad pugnam? Resp. Quibus rebus Cæsar vehementer commotus, maturandum sibi existimauit: ne si noua manus Sueuorum, cum veteribus copijs Ariouisti sese coniunxisset: minus faciliè resisti posset.

Quæst. 19. Quæ faciant desertorem? Resp. Ius commercij, dein cupido augendi pecuniam, postremum obliuio Patriæ, suis quemque sedibus hostilem in agrum transtulit.

Quæst. 20. An in seditione militari antiquo more, decima neci daretur seditiosorum? Resp. Rarò ea tempestate, & è vetere memoria facinore decumum quemque ignominiosæ cohortis sorte ductos, fusti necat.

Quæst. 21.

Quæst. 21. Militaremanimum Ducis, quomodo fœmina solari possit? Resp. Quoties Diuum Augustum in Orientem, atque Occidentem meauisse Comite Liuiâ: se quoque in Illyricum profectum, & si ita conducat alias ad gentes iturum, haud semper æquo animo, si ab vxore carissima, & tot communium liberorum parente diuelle-retur.

Quæst. 22. Quis mitti debeat ad opprimendam seditionem? Resp. Præmissus cum delecta manu Iulius Indus, è ciuitate eadem discors Floro: & ob id nauandæ operæ audior inconditam multitudinem adhuc disiecit.

Quæst. 23. Nondum exercitu instructo, quomodo propositis per hostem respondendum? Resp. Sabinus donec exercitus in vnum conduceret, miria responsa dedit.

Quæst. 24. An milites debeant ab inani rumore amoueri: & adictus securè, & ordinatè inferendos suaderi? Resp. Sabinus circumire, hortari, ne ad ambigua sonitus, aut simulationem quietis, casum insidiantibus aperirent, sed sita quisque munia seruaret: immoti, telisque non in falsum iactis.

Quæst. 25. An debeat permittere Princeps Senatorem de re militari, aut exercitu sibi aliquam auctoritatem asserere? Resp. Iulium Gallionem violenter increpuit Tiberius: Quid illi cum militibus? quos neque dicta Imperatoris, neque præmia nisi ab Imperatore accipere par esset: reperisse prorsus, quos Diuus Augustus non prouiderit: an potius discordiam, & seditionem à Satellite Seiani quaesitam? quia rudes animos nomine honoris, ad corrum-pendum militiæ morem propelleret.

Quæst. 26. An habitatores locorum alpestrium robusti sint? Resp. Hiberi, Albanique saltuosos locos incolentes duritiæ, patientiæque magis insueuerunt.

Quæst. 27. An Generali omnibus alijs motiuis maius esse debeat Regis mandatum ? Resp. Corbulo accepto Claudij præcepto offundebatur re subita : metus ex Impe- ratore , contemptio ex Barbaris , ludibrium apud socios : si- gnum tamen receptui dedit .

Quæst. 28. Quid agere debeat belli Dux , si propè confri- nia Status , duo Principes exteri præliantur . Resp. Scriptum P. Attellio Lystro , qui Pannoniæ præsidebat : legionem , ipsaque è prouincia lecta præsidia pro ripa componeret : subsidio victis , & terrori aduersus victores : ne fortuna- elati , nostram quoque pacem turbarent .

Quæst. 29. Nouus exercitus Imperator quid in initio maximè agere debeat ? Resp. P. Ostorius Britannæ Legatus gnarus primis euentibus metum , aut fiduciam gigni , citas cohortes rapit . Gnarus vt initia belli prouenissent famam in cætera fore .

Quæst. 30. Rebelles si tales aperiantur , & fortiter con- stringantur , an vltima tentent ? Resp. Illi conscientia re- bellionis , & obseptis effugijs multa , & clara facinora fe- cere .

Quæst. 31. Quæ sint belli Ducum motiua , quibus mi- lites in arma fortiter concitent ? Resp. Gentium ductores circumire , hortari , firmare animos minuendo metu , ac- cendenda spe : illum diem , illam aciem recuperandæ li- bertatis , aut seruitutis initium fore : meminissent acta ma- iorum , qui Dictatorem Cæsarem pepulissent : quorum virtute vacui à securibus , & tributis intemerata coniugum , & liberorum corpora retinerent .

Quæst. 32. An intersit victori , magni facere semper vi- ctoriam ? Resp. Cæsar dum suum decus extollit , addidit gloriam victo .

Quæst. 33. Quæ sint veri Ducis partes ? Resp. Corbulo cultu

entia leui, capite intecto, in agmine, in laboribus frequens  
adesse, laudem strenuis, solatium inualidis, exemplum  
omnibus ostendere.

Quæst. 34. Secundis in rebus an magni Duces vtantur  
moderatione? Resp. Corbulo tamen quamuis secundis re-  
bus suis, moderandum fortunæ ratus.

Quæst. 35. Quomodo gloria, & præda habenda sunt?  
Resp. Gloriæ, & prædæ non nihil pactum: si aut gloriam  
cum modo, aut prædam cum cura habuisset.

Quæst. 36. Belli Dux an solum hostem respicere debeat?  
Resp. Comitabatur exercitum præter alia fuenta bello, ma-  
gnæ vis Camelorum onusta frumento: vt simul hostem,  
fameque depelleret.

Quæst. 37. In bello ciuili an sit festinandum? Resp. Ni-  
hil in discordijs ciuilibus festinatione tutius: vbi facto ma-  
gis, quàm consulto opus est.

Quæst. 38. In bello ciuili, Prouinciæ ad quam partem  
facile transeant? Resp. Eadem formido Prouinciæ Nar-  
bonensem ad Vitellum vertit: facili transitu ad proximos,  
& validiores.

Quæst. 39. An Sarmatæ sint boni pedites? Resp. Mirum  
dictu vt sit omnis Sarmatarum virtus, velut extra ipsos: ni-  
hil ad pedestrem pugnam tam ignauum.

Quæst. 40. An liceat quærere militem super mandato Duc-  
is? Resp. Si vbi iubeantur quærere singulis liceat: pereun-  
te obsequio etiam imperium intercidit. Parendo potiùs  
commilitones, quàm imperia Ducum sciscitando, res mi-  
litares continentur.

Quæst. 41. Quis exercitus est fortissimus in prælio? Resp.  
Fortissimus in ipso discrimine exercitus est, qui ante dis-  
crimen quietissimus.

Quæst. 42. A petulantia militari quid expectandum?

K 3 Resp.

Resp. Corrupta iurgiis, aut rixis disciplina, ad postremum Valens è petulantia etiam perfidiam suspectabat.

Quæst. 43. Milites turbidi, & numerosi quomodo corrigantur? Resp. Militari astu cohortes turbidæ, ac si vnâ forent præualidæ dispergendæ.

Quæst. 44. An solum in exercitu, an magis in Ducis virtute fidendum? Resp. Tibi è Iudæa, & Syria, & Ægypto nouem legiones integræ, nulla acie exhaustæ, non discordia corruptæ: sed firmatus vsu miles, & domitor externi. Classium, alarum, cohortium robora, & fidissimi Reges, ac tua ante omnes experientia.

Quæst. 45. An pulcher exercitus turpitudinem Ducis ostendat? Resp. Militum phaleræ torquesque splendebant, decora facies, & non Vitellio Principe dignus exercitus.

Quæst. 46. Quando hostis aggrediendus? Resp. Vbi compertum Antonio discordes animis, discretos viribus hostium exercitus aggredi statuit: antequam Ducibus auctoritas, militi obsequium, & iunctis legionibus fiducia rediret.

Quæst. 47. Præda vrbs quando ad militem, quando ad Ducem pertineat? Resp. Expugnatae vrbs prædam ad militem: deditæ ad Duces pertinere.

Quæst. 48. Quies gentium an consistat in tributis? Resp. Neque quies gentium sine armis, neque arma sine stipendijs, neque stipendia sine tributis haberi queunt.

Quæst. 49. An Duces belli, aduersi Ducis bona depopulentur? Resp. Cerialis insulam Batauorum hostiliter populatus, agros villasque Ciuilis intactos nota arte Ducum sinebat.

Quæst. 50. Milites vbi sui securi pro quo certent? Resp. Romani securi de salute, pro gloria certabant.

Quæst. 51. An transitus locorum difficilium, debeant exer-

exercitum animare ne recedat? Resp. Superasse tantum itineris, sylvas euasisse, æstuaria transisse pulchrum, & decorum in frontem: ita fugientibus periculosissima, quæ hodie prosperrima sunt.

Quæst. 52. Quæ sit boni Ducis æstimatio? Resp. Ducis boni Imperatoriam virtutem esse.

Quæst. 53. Qui per arma magnam famam consecutus, quomodo dominantem urbem intrare debeat? Resp. Ne notabilis celebritate, & frequentia occurrentium introitus esset: vitato amicorum officio, noctu in urbem, noctu in palatium venit: exceptusque breui osculo, & nullo sermone turbæ seruientium immixtus est.

Quæst. 54. An belli Ducis intersit primò pugnam agredi? Resp. Qui priùs strinxerit ferrum, eius victoria erit.

## CAPVT VIGESIMVMQVINTVM.

*De Insidijs, Odio, & Amore.*

Quæst. 1. **A**N amor politicus respiciat personam, vel fortunam? Resp. Sic enim fieri inter homines consuevit: vt quantumquisque fortuna vtatur, tantum amare, & negligere illum soleamus.

Quæst. 2. An falsum amicum, quàm verum inimicum magis metuere debeamus? Resp. Magis amicorum inuidia, quàm insidiæ inimicorum est metuenda: illud enim apertum, hoc celatum est malum: nocendique fraus potentior est, qua etiam per laudes, & ornamenta homines ferit, & euertit. Totius iniustitiæ nulla capitalior est, quàm eorum, qui cum maximè fallunt: id agunt vt boni videantur.

Quæst. 3. Quàm vitari debeat publicum odium? Resp. Nullum grauius supplicium odio publico.

Quæst. 4.

Quæst. 4. An accusationes sint plerumque falsæ? Resp. Falsa in maius vulgant accusatores. Nimijs studijs accuatorum iure succenset Princeps. Obiecta crimina, pro approbatis non recipienda.

Quæst. 5. An persecuto noceant vetera vitæ acta, & inania? Resp. Vetera, & inania, quæ neque conuicta noxæ reo,

Quæst. 6. Quæ hosti læta videantur? Resp. Hosti læta videntur veneficia.

Quæst. 7. An taciturnitas in offenso arguat remissionem iniuriæ? Resp. Certissimum sævæ cogitationis indicium in homine irato, est iræ occultatio. Qui silentio dicta, factaque iniuriosa ad tempus transmittunt, & velut secreto suo satiantur: hi implacabilius irascuntur, & conceptum intus odium in vindictæ occasionem reponunt.

Quæst. 8. An tolerantia prioris iniuriæ inuitet inimicos ad maiora? Resp. Qui contumeliam, atque alias iniurias iniuste ab aduersarijs factas, specioso silentio toleranter transmittunt: nihil aliud consequuntur, quam ut ad maiora, & grauiora scelera æmulos inuitent, & reliquis hominibus ludibrio exponantur. Quod si mature sese, & acriter consilijs hostilibus obiecerint, non pristinam modò auctoritatem sibi conseruabunt: sed omnibus amicis pariter, & inimicis admirationi, & terrori erunt.

Quæst. 9. Præstatne apud præpotentes esse facetum? Resp. Facetiarum apud præpotentes in longum memoria est. Vbi nimirum ex vero traxere, acrem sui memoriam relinquunt.

Quæst. 10. Quo motu offendere soleamus? Respon. Odio, vel metu.

Quæst. 11. An scelerum instrumenta aliquando sint perfidi medici? Resp. Non ignarus Xenophon medicus summa scelera incipi cum periculo, peragi cum præmio.

Quæst. 12.



Quæst. 12. Quid faciat fratrum concordia? Resp. Sed fratres egregiè concordēs, & proximorum certaminibus inconcussi.

Quæst. 13. Quantum inimicitijs tribuant familiares? Resp. Germanicus erat clementior: sed amici accendendis offensionibus callidi, intendere vera, adgerere falsa.

Quæst. 14. Infidiatores an non soleant, se dicere infidiatos? Resp. Rescuporis Thracia omni positus, scripsit ad Tiberium structas sibi infidias, præuentum infidiatorem Cotyn.

Quæst. 15. An amici maximè ad fallendum inducantur? Resp. Nec tamen Cæsar placitas semel artes mutauit: Sed defuncto Pando, quem sibi infensum Rescuporis arguebat: Pomponium Flaccum veterem stipendijs, & acta cum Rege amicitia, eoque accommodatiorem ad fallendum: ob id maximè Mœsiæ præfecit.

Quæst. 16. Quæ sunt externa signa maleficij? Resp. Reperiebantur solo ac parietibus erutæ humanorum corporum reliquiæ, carmina, & deuotiones: & nomen Germanici plumbeis tabulis insculptum, semiusti cineres, ac tabe obliti: aliaque maleficia, queis creditur animas numinibus infernis sacrari.

Quæst. 17. An melius sit publicè, vel priuatim odio haberi? Resp. Vibium Serenum odium publicum tutiorem faciebat.

Quæst. 18. Quid agat materna in filios prædilectio? Resp. Atrox Drusi ingenium super cupidinem potentiæ, & solita fratribus odia, accendebatur inuidia, quod mater Agrippina promptior Neroni erat.

Quæst. 19. Timidus, an audax faciliùs opprimatur? Resp. Seianus ita Drusum fouebat, vt non in eum quoque semina futuri exitij meditaretur: gnarus præferocem,

cem, & insidijs magis opportuni.

Quæst. 20. Qui sint scelerum ministri? Resp. Qui sedibus extorres, quæis neque boni intellectus, neque mali cura, sed mercede aluntur ministri sceleribus.

Quæst. 21. Qui falsò amant, an fingant odia? Resp. Sensit verus regnandi, falsos in amore, odia non fingere.

Quæst. 22. Inimicus consulens cædem alicuius, quam formam induat? Resp. Sed consultant super absolutione Asiatici flens Vitellius commemorata vetustate amicitiae, vsque Antoniam Principis matrem pariter obseruauissent dein percussis Asiatici in Rempublicam officijs, recentique aduersus Britanniam militia, quæque alia conciliandæ misericordiae videbantur, liberum ei mortis arbitrium reliquit.

Quæst. 23. An in barbarorum terris, temperantiæ quandoque vinolentiam interserere expediat? Resp. Italus à Cheruscis celebrari, colî, modò comitatem, & temperantiam nulli inuisam, sæpius vinolentiam, ac libidines grata barbaris vsurpans.

Quæst. 24. Quibus medijs vsi fuerint, scelerati ad opprimendas Regnantium vxores? Resp. Narcissus ad occasiones intentus, longa apud Hostiam Cæsaris mora, duas Pellices, quarum is corpori maxime infuenerat, largitione, ac promissis, & vxore deiecta plus potentiae ostentando, perpulit delationem subire.

Quæst. 25. An soleant quætere casum filij, qui parentem Principem oppressere? Resp. Nero æquari Britannico studijs matris, arte eorum, quæis ob accusatam Messalinam ultio ex filio timebatur.

Quæst. 26. An tempore Romanorum fuerint medici scelerati? Resp. Agrippina quando vltima timebantur, spreta præsentium inuidia prouisam sibi Xenophontis medi-

medici conscientiam adhibet . Ille tanquam nifuseu-  
mentis adiutaret : pinnam rabido veneno illitam , fauci-  
buseius demisisse creditur.

Quæst. 27. Quando odium intendatur? Resp. Nero in-  
tellecta inuidia, odium intendit.

Quæst. 28. An difficile sit per insidias delere insidian-  
tem? Resp. Tentare veneno Agrippinam arduum videba-  
tur : mulierem vsu scelerum , aduersus insidias intentam :  
atque ipsa præsumendo remedia munierat corpus.

Quæst. 29. Quod est remedium insidiarum , à præpo-  
tente intentatum? Resp. Solùm insidiarum remedium ef-  
fe, si non intelligerentur.

Quæst. 30. An Burrhus , & Seneca fuerint participes in-  
sidiarum in naui à Nerone Agrippinæ structarum? Resp.  
Quod contra subsidium sibi, nisi quid Burrhus, & Seneca  
expergiscerentur : quos statim acciuerat, incertum an &  
ante ignaros.

Quæst. 31. An Seneca concurrerit in Agrippinæ mor-  
tem? Resp. Post Seneca hætenus promptior respicere Bur-  
rhum ac si sciscitaretur, an militi imperanda cædes esset.

Quæst. 32. Explorator Tyranni, si ab eo opprimatur an  
aliqua ei miseratio? Resp. Cerialis ne interficeretur vim sibi  
attulit : minore quàm cæteri miseratione : quia proditam  
C. Cæsari coniurationem ab eo meminerant.

Quæst. 33. Potentia an pariat odium? Resp. Vinius in  
dies quanto potentior eodem actu inuisior erat.

Quæst. 34. Quis est ordo animorum in atroci facino-  
re? Resp. Is habitus animorum fuit, vt pessimum facinus  
auderent pauci, plures vellent, omnes paterentur.

Quæst. 35. An qui infamant occultè, apertè laudent?  
Resp. Manlium Valentem secretis criminationi us in-  
famauerat Fabius ignarum , & quo incautior decipe-  
retur,

retur, palam laudatum.

Quæst. 36. An Sicarij, vel insidiatores, facilius operiantur in vrbe, quàm in castris, aut alijs locis? Resp. Insidiatores ab Othone in Germaniam, à Vitellio in vrbem missi, vtrisque frustra fuit: Vitellianis impunè per tantam hominum multitudinem mutua ignorantia fallentibus: Othoniani nouitate vultus omnibus inuicem gnaris prodebantur.

Quæst. 37. An quis voluptate vti possit cum temperamento? Resp. Titi non abhorrebat à Berenice iuuenilis animus, sed gerendis rebus, nullum ex eo impedimentum: lætam voluptatibus adolescentiam egit, suo quàm Patris Imperio modestior.

Quæst. 38. An quibus apertè adulamur, in occulto inuideamus? Resp. Inuidia in occulto, adulatio in aperto sunt.

Quæst. 39. An sæpè Parentes sint discordiæ fraternæ causa? Resp. Ne fratribus quidem mansuram concordiam, ni Pater exemplum præbuisset.

Quæst. 40. An proximorum odia acria? Resp. Iulius Briggantius forore ciuilis genitus, vt fermè acerrima proximorum odia sunt, inuisus auunculo infensusque.

Quæst. 41. An superbus modestia concilietur? Resp. Superbiam frustrà per obsequium, & modestiam effugeris.

Corollarium. Quæ sibi inuicem in vniuerso correspondent? Resp. Inter omnia, & super omnia Deus: inter sensibilia Lux: inter animi perfectiones virtus: Deus est lux, & virtus omnium: Lux virtus mundi, & imago Dei: virtus lux animi.

F I N I S.

297